

ლენტო ულენტო

# მოგონებანი

როგორ უთაბეჭდილებას და განცდას  
იწვევდა პირადი უმხვედრა და საუბარი  
ნოე ურდანიასთან

---

მიზეზები

ოცდაექვსი მაისის

წარმოშობისა და დღესასწაულობისა

პარიზი, 1964.

ავტორისაგან: დიდი მადლობა ქ-ნ პოლინე ჩაჩავას,  
რომლის დახმარებით გამოიცა ეს წიგნი.

## მოგონებანი

### თავი პირველი

ეს იყო 1908 წლის მარხამობისთვის მიწურულში.

იმ დროს ბაქოში გამწვავებული ბრძოლა სწარმოებს ბოლშევიკებსა და მენშევიკებს შორის, რომლებსაც უკვე თავიანთი ჩამოყალიბებული აღმასრულებელი ორგანოები აქვთ: ბოლშევიკებს — „ბაქოს კომიტეტი, ბაქოს ს. დ. მ. პარტიისა“ და მენშევიკებს — „ხელმძღვანელი კოლექტივი, ბაქოს ს. დ. მ. პარტიისა“.

„ბაქოს კომიტეტი“ ავრცელებს „პროკლამაციას“, რომლითაც მუშებს იწვევს საერთო გაფიცვისაკენ და შეიპყრებული აჯანყების მზადებისათვის. „ხელმძღვანელი კოლექტივი“ ამ დროს საზარალოდ სთელის მუშების გაფიცვების მოწყობას, ვინაიდან გაფიცვა მათი დამარცხებით გათავდებოდა და უფრო ცუდი მდგომარეობა შეიქმნებოდა.

ხელმძღვანელმა კომიტეტმა“ რათა თავისი შეხედულება გააცნოს ბაქოს მუშათა კლასს, გადასწყვიტა „პროკლამაციითვე“ უპასუხოს. ამიტომ დაგვავალა „კოლექტივმა“ მე და „ამდალს“ (ანდრეჟ ანჯაფარიძეს), გვენახა ნოე ეორდანიას, რომელიც იმ ხანად ბაქოში იყო, (თუმცა აღმინისტრაციის თვალყურის დევნაში იმყოფებოდა), რომ მას შესაფერისი „პროკლამაცია“ შეედგინა.

სალამოს ცხრა საათი იქნებოდა, რომ ნოეს ბინაზე ეესტუმრეთ. მას თქრმე უკვე დაემზადებინა „პროკლამა-

ცია“ და რა მიგვილო, დაწყონებლივ თვითეულს წინ და-  
გვიდო სუფთა ქალაღდის ფურცელი და გვითხრა:

— წერეთ!

ნოეს ხელში უქირავს თავისი ნაწერი და კითხულობს. ორივე შევეუდექით კარნახით წეზას. რამოდენიმე წუთის შემდეგ ვიგრძენი, რომ უკვე ვერ ვასწრებ სიტყვების და-  
ქერას და ვამბობ:

— მომეცი და გადაეწერ!

ნოემ სიტყვა არ გამცა და განაგრძო კარნახი, მიაპყ-  
რო რა თვალები „ამდალას“, რომელიც ბეჯითად სწერს  
თავჩალუნული. გაათავა კათნახი და მოსთხოვა „ამდალას“  
განმეორება. „ამდალამ“ გადაიკითხა და ნოემ თავისი ნა-  
წერი ნაკუნაქუნად აქცია და იქვე „ფეჩში“ შეჰყარა. მე-  
რმე მომიბრუნდა და მითხრა ღიმილით:

— გაჯობა გურულს მეგრელმა! ვიქტორ! ჯერ გამოც-  
დილება გაკლია და ეცადე! ვაუფროთხილდით ხელნაწერს!  
თუ ჩაიგდეს ხელწი ოთხი წლის კატორღა არ აგცილდე-  
ბათ! ახლა კი ჩქარა გასწით!

მე სიზცხვილისაგან დავიწვი. როცა ეს ამბავი მავონ-  
დება ახლაც ვწითლდები ხოლმე...

### თავი მეორე

1910 წელში ქალაქ ბაქოსა და მის სამრეწველო რაი-  
ონებში ქართველობა საგრძნობლად მომრავლდა. იქ იყო  
დაარსებული „ქართველთა შორის წერაკითხვის გამავრ-  
ცელებელი საზოგადოება“ რომლის საწევრო გადასახადი  
წლიურად იყო სამი მანეთი. ბაქოს ქარველობის უმრავ-  
ლესობის შემადგენლობა მცირე-შემოსავლიანი იყო და  
ამიტომ წლიური გადასახადი, სამი მანეთი, მისთვის სი-  
მძიმეს წარმოადგენდა და მიუხედავად სურვილისა, სა-  
ზოგადოების წევრად ვერ ეწერებოდა. საზოგადოების ძვე-  
ლი წევრები კი წინააღმდეგი იყვნენ საწევრო გადასახა-

დის შემცირებისა, სამი მანეთიდან მანეთ-ნახევრამდე, რასაც სოციალდემოკრატიები მოითხოვდნენ.

ვინაიდან ქართველობას არ უყვარდა უსაზოგადოებოდ ყოფნა და ეს მისი ბუნებრივი მოთხოვნილება იყო, სოციალდემოკრატიების თაოსნობით დაარსდა ახალი ქართული საზოგადოება, სახელწოდებით: „ქართული სალიტერატურო-სამხატვრო წრე“. დაარსებისათანავე ორმოც დაათზე მეტი წევრი ჩაეწერა. საზოგადოების წესდების დასამტკიცებლად მოწვეულ საზოგადო კრებაზე ყველანი გამოუკლებლივ გამოცხადდნენ. ამხანაგთა შორის ჩუმი თათბირი შეიქნა და ერთი მეორეს აცნობეს, რომ კრებაზე ნოე ჟორდანიაც დაგვესწრო. ყველას პიამოვნების ღიმილი მოედო და ანდრო დოლიძემ გამოხატევა სურვილი ნოე კრების თავმჯდომარედ აერჩიათ. ფაქულად ამის მოგვარება დავეაღეთ კორძაიას (ლადო). ნოემ ვადაქრით უარი შემოგვითვალა.

საინიციატივო კომისიის თავმჯდომარემ, პლატონ თალაკვაძემ კრება გახსნა და შესავალი მოკლე სიტყვის შემდეგ, მან მე თავმჯდომარედ დამასახელა. კრებამ ერთხმად მიიღო ჩემი თავმჯდომარეობა. როდესაც ჩემი ადგილი დავიჭირე და კრებას გადავხედე, მაშინვე ჩემი თვალი მიიპყრო ნოეს სახის გამომეტყველებამ. სული მოვითქვი და კრებისაგან ნდობის გამოცხადების გამო მადლობის სიტყვას დავუმატე: რომ ასეთ დიად კრებას ეკუთვნოდა უფრო მხცოვანი პიროვნება, რომლითაც არ არის მოკლებული დღევანდელი შეკრებილი, პატივცემული საზოგადოება-მეთქი.

— განაგრძე! — მომესმა ნოეს ხმა.

კრებამ უცვლელად დაამტკიცა საზოგადოების წესდება და აირჩია გამგეობა სამი კაცისაგან: პლატონ თალაკვაძე, ანდრია (ბაგრატი) დოლიძე და მე. გამგეობამ მე თავის თავმჯდომარედ ამირჩია, მდივნად — პლატონ თალაკვაძე და მოლარედ ანდრო დოლიძე.

ანდრო დოლიძე ზოლშევიკი იყო, მაგრამ ქართული სა-  
ქმის მეტად მოყვარული და პატრიოტი. წერაც ძლიერ  
უყვარდა ქართულად. და წამოიჭრა გამგეობის წინაშე  
საკითხი, დროგამოშვებით, ჟურნალის გამოცემისა, რაც  
ერთსულოვნად იქმნა მიღებული. გაიმართა ხელისმოწე-  
რა თანხის შესაგროვებლად და გამგეობის ნაბიჯი გამარ-  
თლდა. შესაფერი თანაა შეგროვდა და ჟურნალის მთავარი  
ხელმძღვანელის მონახვას შეეუდებოდა, თუმცა მე და თა-  
ლაქვაძეს წინ და წინ სახეში გვეყავდა უსათჯოდ ნოე. რო-  
მელიც იმ დროს ბაქოში იყო თავისი ცოლშვილით.

გამგეობამ მომანდო ნოესთან მოლაპარაკება. ვნახე  
ნოე და მას ავეხსენი ჩვენი გეგმა ჟურნალის შესახებ; მან  
წარბი სიამით ასწია და მითხრა:

— ყოჩაღ, ზიკებო! ასე უნდა მოქმედება! მაგრამ რო-  
მელ ტიპოგრაფიაში უნდა ავაწყოთ?! — ვუპასუხე:

— ასოთამწყობი ჩინებული გვეყავს და გაზეთ „კასპი-  
ის“ ტიპოგრაფიაში მუშაობს. ის ჩვენი ამხანაგია და ტი-  
პოგრაფების პროფესიანალური კავშირის მდივანია, სამ-  
სონ დობოჯგინიძე.

— ძლიერ კარგი! რა სახელი ვუწოდოთ ჟურნალს?

— თქვენ რას გვეტყვი?

— არ მიფიქრია, ხომ იცო!

— მაინც ეხლა ვთქვათ.

ნოე ცოტა დაფიქრდა. მერმე ამბობა:

— მოდი დავაჩქვით „წყარო“, თუ თქვენ მოგეწონებათ!

— მე მომწონს, მხოლოდ გამგეობამ უნდა დაადასტუ-  
როს.

— ასე ქენი. მე მოწინავეს დავამზადებ და რაც შეეხე-  
ბა „კასპიის“ რედაქციას, მე თვითონ გავაკეთებ ვერმი-  
შევთან საქმეს. (ვერმიშევი გაზეთ „კასპიის“ რედაქტორი  
იყო). მხოლოდ მაინც და მაინც ჩემი მონაწილეობის ამ-  
ბავს ნუ გააფრცვლებთ. — მითხრა და მთელი სახის გა-  
მომეტყველება ისე გაუნათლდა, თითქოს წმიდანიაო. ასე  
მეჩვენა.

ჩემს სიხარულს საზღვარი არა ჰქონდა. გამგეობას ყველაფერი მოეახსენე; უდავოდ და სიხარულით მიიღო მან ჟურნალის სახელწოდება „წყარო“ და ნოეს მონაწილეობა და ხელმძღვანელობა.

რალა გავაგრძელო, ქართული ჟურნალი „წყარო“ გამოვიდა ბაქოში. ეს დიდ „სენსაციად“ გახდა ყველასათვის. ჟურნალის მოწინავე წერილში მთელის პრინციპით გაიელვა შეხედულებამ ეროვნულ საკითხზე და განსაკუთრებით ქართულის მიმართ.

განურჩევლად, ქართველობაში პოლიტიკური მიმართულებისა, ყველანი დიდის ყუაღდლებით და პატივისცემით ისენიებდნენ „პატარა კაცების საზოგადოებას“. (აბე უხმობდნენ ჩვენს საზოგადოებას).

არ მახსოვს, რამდენი ცალი გამოიცა „წყარო“, მაგრამ ცდა იყო, რათა არც ერთი ქართველი და მუშა არ დარჩენილიყო უმისოდ. ის, ყველა ქართულ ქალაქში და დაბებშიც კი დაიგზავნა.

ჩვენი ცდა, რომ მეორე ნომერი „წყარო“-სი ნოესვე ხელმძღვანელობით გამოგვეცა, სამწუხაროდ, აღარ მოხერხდა. მიზეზი! არ მახსოვს, ერთი თვე, თუ მეტი გავიდა მას შემდეგ, რაც რომ პირველი ნომერი გამოვიდა, ნოე მიბარებს დანიშნულ ადგილას. მეც ვიახელ. მისალმების შემდეგ იგი მეუბნება:

— მე სასამართლოში ვარ მიცემული და უნდა წავიდე ქუთაისში; იქ გაირჩევა ჩემი საქმე. არ ვიცი, თუ რამდენ ხანს გასტანს საქმის გარჩევა და ამიტომ ჩემს მაგიერობას ვაკისრებ ფილიპე მახარაძეს, თუ თქვენც თანახმა იქნებით.

მეწყინა. მანაც შემატყო. მაგრამ, დაფიქრებული ლომილით, მეუბნება:

— შესაძლებელია მალე გათავდეს პროცესი და მეც მალე ჩამოვბრუნდები აქ. იყავით ყოჩაღად.

სიტყვა ყელში შემრჩა. ზე წამოვდექი და გამარჯვება ვუსურვე.

გამგეობას მოვახსენე ნოეს სურვილი. ე-თობ საწყენად გაუხდა, მაგრამ დაადგინა:

— მიენდოს პლატონ თალაქვაძეს დაუკავშირდეს ფილიპე მახარაძეს და მასთან შეთანხმებით მოაწყოს ქუჩნალი „წყაროს“ გამოცემა.

შემდეგ შევიტყვეთ, რომ ნოე სასამართლოში მიცემულ იყო მის მიერ ქართულად დაწერილი წიგნის „ანარხიზმი და სოციალიზმი“-ს გამო.

თუმცა ფილიპე მახარაძე და პლატონ თალაქვაძე კარგ პი-რად განწყობილებებაში იყვნენ ურთიერთ შორის, მაგრამ როგორც პირველი, უკომპრომისო ბოლშევიკი იყო, მეორეც სრულის შეგნებით მენშევიკი იყო. ამიტომ პოლიტიკური მუშაობა მათ შორის რამდენიმედ ფა-რდა აფარებული არსებობდა. გამგეობის წევრები დაკავებული ვიყავით კერძო სამსახურშიდაც და მუდმივი თვალყურის დევნება ფილიპეზე შეუძლებელი იყო და აგრეთვე, რა ნოემ მას, ფილიპეს, დააკისრა და ნდობაც გამოუცხადა, ჩვენც გაუბედავად ვეპყრობოდით. რალა გავაგ-ძელო: ქ-რნალი „წყარო“, მეორე ნომერი, გამოვიდა და ვაი ამისთანა გამოსვლას! მისი მოწინავე სრულებით მოწინააღმდეგე აზ-რით გაელენთილია, ვიდრე პირველი ნომერი იყო. ის ეხება ქართულ პრესას და განსაკუთრებით სოციალდემოკრატების მიმართულებას ეროვნულ საკითხებზე და ურჩევს უკან დახევას, რათა „შოვინიზმისაკენ“ არ გადავიჩეხოთო.

წავიკითხეთ ასეთი წე-რილი „წყარო“-ში და გამგეობის წევრები ურთიე-რთს გავედავეთ. ბრალი თალაქვაძეს დავდეთ. ანდრია დოლიძე (ბოლშევიკი) ს-რულებით გაცოფდა. ამბობს:

— როცა ფილიპეს შეეხვდები, მივაფურთხებ!

თალაქვაძე კი თავს იმართლებს დროს უქონლობით. ე-რთი სიტყვით, ფილიპეს წერილმა გაზეთში ბაქოს ქ-რთველთა წორისაც მითქმა-მოთქმა გამოიწვია.

ამ დროს ქუთაისში გამოდიოდა ჩვენი პარტიული ო-რ-



განო; თუ არ ვცდები, ნიკოლოზ (კოლია) ქუმბურძის რედაქტორობით (გაზეთის სახელი არ მახსოვს). ამ ორგანოში „დათიანული“ (ზაქარია გურული) ტყავს გვაძობს ბაქოელებს „წყარო“-ში მოთავსებული მოწინავეის გამო.

რა პასუხი გაგვეცა. თავის მართლება: შეუფერებელი შეიქნა. პლატონ თალაქვაძე და მახარაძე პირადულადაც სამუდამოდ დაშორდნენ ურთი-ერთს.

დიდი ხანი არ გასულა და ნოეც ბაქოში ჩამოვიდა. ის გაენთავისუფლებინათ სასჯელისაგან. შევიტყვე რამისი ჩამოსვლა, მეც ვინახულე. გამიკვირდა, რომ ფილიპე მახარაძეც იქ არის და საუბრობენ. ცოტათი შევცბი. მაგრამ მისალმებისა და მილოცვისათანავე, მწარე ღიმილით ვეკითხები ნოეს:

რად გვიქენით ასეთი საქმე, ნოე? ფილიპემ ისეთი საქმე დაგვმართა, რომ ყოველ ჩვენს მტერს გული გაუხარა და ჩვენც ამხანაგების სათრევად გაგვხადა. მართალიც არიან!

რასაკვირველია, ფილიპეს არ ესიამოვნა ჩემი ყოფა-ქცევა. ადგა და მეორე ოთახში გავიდა. სადაც თურმე მისი ოჯახობა ბინადრობდა დროებით. დავრჩით მარტო.

— როგორ მოგივიდათ! სად იყავით თქვენ! — წარბშეყრით, მეუბნება ნოე.

— თქვენმა ნდობამ! ამხანაგო ნოე! თუ არა ეს...

— რაც მოხდა, მოხდა! მთლად ნუ დაღვრით, რაც იწველეთ; მოწიფულები ხართ. სააპეკუნოდ რად გახდებით. აწი უფრო ყოჩაღათ! ყველაფერი გასწორდება. ზოგი მარცხიც მასწავლებელია!-უკვე ღიმილით მეუბნება.

მაგრამ ჩემი იკითხეთ, ყურებშიწულილი დამიწყო; ალბად სახეზე ცეცხლი მეკიდებოდა. სიტყვა ყელში შემრჩა — ოჯახობა ხომ კარგათ გყავს? — მეკითხება.

— კარგათ! ვუპასუხე და წამოვდექ. იგიც წამოდგა მთელი თავის ტანის სისრულით. ალვის ხე! ბრძნული მეტყველება. დღემდე თვალ წინ მიდგას. მამხნევებს.

აბონდან. 1957 წ. მარტი.

## თავი მესამე

საქართველოს მთავრობა და ყველა საზოგადოებრივი ორგანიზაცია დიდი დაკვირვებით და სიფრთხილით თვალყურს ადევნებდნენ რუსეთში წარმოშობილ სამოქალაქო ომის მსვლელობას, ოქტომბრის გადატრიალების და ბოლშევიკების მიერ რუსეთში მმართველობის ხელში ატაცების შემდეგ. ძნელად გასაგები შეიქნა, თუ რომელი მიმართულება გაიმარჯვებდა იქ. ცხრასთვრამეტი წლის მიწურულში კი ჩრდილო კავკასიაშიც მოაღწია სიხლის ღვრამ და ვლადიკავკაზში ბოლშევიკებმა შექმნეს თავისი მთავრობა, რომლის სათავეში მოხვდნენ ქართველები, შიდა რუსეთში შეჩენილნი თებერვლის რევოლუციის დროს: სერგო (სერიოჟა) ქავთარაძის თავმჯდომარეობით. ეს ბოლშევიკური მთავრობა ისე გამაგრდა თავისი „წითელი“ არმიით, რომ შესძლო თავისი სახელით ფულიც დაებეჭდა და იქაურ ხალხებს გაცვლა-გამოცვლისათვის დაევალა. ამ რიგად ამ მთავრობის საზღვარი გეოგრაფიულად, უშუალოდ, საქართველოს მოსაზღვრე შეიქმნა და ზურგით კავკასიონის მთებს მოეხრინა. დენიკინის „თეთრ-გვარდიელები“ კი ჩრდილო-დასავლეთიდან აწვებოდნენ. 1918 წ. ნოემბერში მიწურულშია, რომ ცნობა მოდის საქართველოში ვლადიკავკავის ბოლშევიკური მთავრობის განკითხვის დღისა. „თეთრ-გვარდიელებმა“ ის დაამარცხეს და დამარცხებულნი სიცოცხლის შესარჩენად საქართველოს მთავრობას სთხოვეს უპირობოდ მიიღოს თავის საზღვრებში.

იქნებოდა საღამოს ცხრა საათი, რომ ტელეფონით მედახის ციორგი ცინცაძე და მთხოვეს ნოე ჟორდანიას ვეახლო დაუყონებლივ, ვინაიდან მას საჩქარო დავალება აქვს შენთვისო. (გ. ცინცაძე იყო ნოეს პირადი მდივანი).

მეც უმაღვე წავედი მის სამდიენოში და შევედი თუ არა. ლიმილით „პაკეტს“ მიშვერს და მეუბნება:

— რა უნდა ექნათ, ჩემო ვიქტორ! ჯერ-ჯერობით ჩვენი შინაური ამხანაგებით უნდა ვისარგებლოთ, ვინაიდან ახლები გაუცნობელი გეყავს. ეს ქალაღი რწმუნებისაა და შენ გევალება, ჩვენი სახელით. მიიღო ჩვენს საზღვარზე „ელადიკავკაეის მთავრობა“. რამელიც ჩვენი სამარცხვინო შეიღების თაოსნობით იქ არსებობდა. საჩქაროდ იქ ყაზბეგში, უნდა ახვიდე. სამხედრო სამინისტროში განკარგულება უკვე მიცემულია და შენთვის ავტომობილიც მზად არის. სამხედრო სამინისტროდან ერთი გეახლება, პოლკოვნიკი ვიქტორ ინწკირველი.

მას თვალი გავესწოზე და სიტყვის შეურუნებლად გიორგი ცინცაძეს ვთხოვე ეხლავე სამხედრო სამინისტროს ტელეფონით შეუერთდეს და თხოვოს: ერთი საათის განმავლობაში პოლკოვნიკი ინწკირველი ავტომობილით ჩემს ბინასთან გაჩნდეს.

ნოემ მშვიდობა მითხრა და მეც ფეხით შინ წავედი. ვინაიდან ბინა ახლო მქონდა, სასახლის ზემოდ, პეტრე დიდის ქუჩაზე.

ოჯახობამ ცოტა საუზმე გაამზადა სამგზავროდ და კიდევაც ლომივით ვაუკაცი, ბიქტორ ინწკირველი კარზე მომადგა. ცოტათი შეენაყრდით და გზას გაუდექით, მცხეთისაკენ. ქალაქს რა გავცილდით, მაშინ შეენიშნე, რომ შოფერი ქართველი არ იყო. შევეკითხე ინწკირველს:

— ეს რა ერის შვილია?

— ნემეცია, მარა ნეტაი მაგისტანა ერთგული საქართველოსთვის ყველა ქართველი იყოს, მაშინ რა გვიშავს! დიდი მშრომელი და ერთგულია ჩვენი.

გავცილდით თუ არა მცხეთას, თოვლისაგან სინათლის ანარეკლი კარგ მანძილზე იძლევა საგნების გარკვევას. შოფერი ბევრჯერ ნამგზავრია ამ გზით და იმედიანად ვფიქრობ მიზნის მიღწევას. ჩაფიქრებული ვარ; ავტომობილი რაღაც დრო გამოშვებით, არა სასიამოვნოდ

ბორძიკობს და ხან ჩერდება კიდევ. შევეკითხე შოფერს, თუ რა მიზეზია. მიპასუხა:

— თოვლის ზევეი ჩამოწოლილა და გზა სულ გასწორებულია მისგან!

შევშფოთდი: — მაშ გაუვლელია?

— ვეცდები! — და მან მარჯვენისაკენ მიაბრუნა მანქანა და ტრიალის მიდამოსაკენ მიმართა.

— ეს რას ნიშნავს? ვეკითხები: ეგებ ამ მხრიდან მოუაროთ! და თუ მთელი გზა არ არის დაფარული, წინ წავალთო!

მაგრამ შენი მტერია! რა არ ატრიალა; მანქანა უფრო და უფრო იფლებოდა თოვლში. პოლკოვნიკი ინწყირველი არას ამბობს. ამან უფრო გამაბრაზა და ვეკითხები:

— როგორ ფიქრობ, ბიქტორ?

— რა უნდა ვიფიქრო! ამისთანები ბევრი შემხვედრია, ჩემო კეთილო! უნდა ვეცადოთ და დილით ეგებ რაიმე გვეშველოს!

საათს დავხედე და ათის ნახევარს გადაცილებული იყო ვიფიქრე: დილამდე ამ თოვლიან მინდორში გაჩერება უაზრობა არის. დავიყინებით და არავითარი სარგებლობა იქნება! დავეკითხე შოფერს:

— დუშეთამდე შორს ვართ?

— ძცხეთისა და დუშეთის შუა გზაზე ვართ.

— რას იტყვი, ბიქტორ? — დავეკითხე პოლკოვნიკს.

— თქვენ რასა ბრძანებთ!

გავიფიქრე: პასუხისმგებელი მე ვარ და მე უნდა გადავწყვიტო. თუ დუშეთს ვერ მივალწევთ ამაღამ, მაშინ მცხეთაშიც გაჩერებაც უაზრობაა, ვინაიდან ერთი საათის განმავლობაში თვით თბილისში ვიქნებით და მაშინვე შევატყობინებ ნოეს მდგომარეობის შესახებ. ასე გავიფიქრე და შოფერს ვუთხარი უკან დაბრუნება.

მართლაც, თერთმეტს ცოტა გადაცილებული იყო, როცა ქალაქში შევედით. პოლკოვნიკს ვთხოვე დილის შვიდ საათზე მზად ყოფილიყვნენ და მე კი მაშინათვე შევე-

ცადე შეერთება ტელეფონით ნოესთან ბინაზე. მივიღე — პასუხად, ნოე თავის კაბინეტში არის სამუშაოდ მის-კაბინეტს შევეურთდი და ვთხოვე მიღება. იგი დამთანხ-ხდა და ვიახელი. შესვლისას მშვიდობა ვუთხარი. მან მხოლოდ თავი აიღო. უპასუხოდ დამტოვა. აქ კი ვიგრ-ძენი, რომ იგი ძლიერ უკმაყოფილოა. მინდა გამობრუნ-დე უსიტყვოდ, მაგრამ ვერ დავიძარი. ბოლოს დაარღვია სიჩუმე და მეც მომეშვა. მეკითხება:

— რაზე შეწუხდი, ვიქტორ, ასე გვიან ღამისა?

მე მოვახსენე მგზავრობის შეუძლებლობის შესახებ. თანვე დავუმატე, რომ დილით ადრე გზას გაუუდგები და შუადღემდე ყაზბეგში ვიქნები-მეთქი. ცოტა სიჩუმე და...

— ჩვენ რომ ბოლშევიკები ვიყოთ, უკან დახევა არ შე-გვეძლებოდა...

გულში გამკრა! მოკლედ თავის დაკვრა და მაქვასავებ მისი სამდივნოდან გავეარდი. მაშინვე სამინისტროს ტე-ლეფონით შევეურთდი და ვთხოვე პოლკოვნიკ ინწკირ-ველთან შეერთების მისამართი. საბედლოთ, თვით პოლ-კოვნიკი სამინისტროში აღმოჩნდა და მას ვთხოვე. რაიმე-ნაირად ის შოფერი გამოენახა და არა უგვიანეს საათნა-ხევრისა გზას გავდგომოდით ყაზბეგისაკენ. პოლკოვნიკმა უსიტყვოდ შემისრულა თხოვნა და ღამის პირველ საათზე უკვე თბილისიდან გავედით. თანამგზავრებს გამიჯნული ვარ სიჩუმით. არც პოლკოვნიკი მეკითხება რაიმეს. გა-დაწყვეტილი მაქვს, რომ თუ მანქანა ვერ ივლის, ფეხით მივიღე იმ ადგილას, საიდანაც დავიხიეთ. შოფერმა სიძ-ნელე დაინახა და მანქანიდან გავიდა. მეც მას მივსდიე და უსიტყვოდ ვათვალისწინებთ მიდამოს. თითქოს, ჩემს გა-დაწყვეტილებას გრძნობდეს. რამოდენიმე მეტრი ეხლა მარცხნით განვლო. მომიბრუნდა და მტკიცედ მეუბნება:

— მარცხნით წავიდეთ, ზეგვს გვერდს ავუვლით და შესაძლებელია დუშეთს მალე მივალთ. შესრულდა მისი სიტყვა და დილის ოთხის ნახევარზე დუშეთში შევედით.

ეხლა შუბლი გამეხსნა. იქ სამხედრო „შტაბი“ იყო და

იქაური სინათლეც მწვიდობას გვეუბნებოდა. პოლკოვნიკი შეგვიძღვა „შტაბ“-ში, სადაც ნაცნობი ოფიცრები აღმოჩნდნენ

— ოო! ვიქტორ! რად შეგიწუხებია თავი ამ დროს? ასეთებს ჩვენ ვართ მიჩვეული, როგორც სამხედრო პირები — მეუბნება პოლკოვნიკი კოტე კიკვიძე.

— მოვალეობა, ბატონო პოლკოვნიკო! — ვეუბნები.

— ალბათ ვლადიკავკავის მთავრობის შესახებ შეწუხდით!

— დიად! ბატონო პოლკოვნიკო!

— ვლადიკავკავის მთავრობის წევრები უკვე მიუღია ყაზბეგის კომენდატს, პოლკოვნიკ სიმონ წერეთელს.

— როდის? — ვეკითხები.

— წუხელის, ცხრა საათზე.

დამასხა ოფლი. მივუბრუნდი ინწკირველს და ვეუბნები: ნახევარ საათში წავიდეთ-მეთქი. შოფერს კარგად გაუმასპინძლდით და გზას გაუდექით. როგორც კი მანქანაში შევედი, მაშინვე თითქოს ნოე მეუბნება:

— ჩვენ რომ ბოლშევიკები ვიყოთ, უკან დახევა არ შეგვეძლებოდა! — სწრაფ ფიქრთა შეტაკებით ვუპასუხებ: — მაინც ვერ მივუსწრებდი. ბოლშევიკებიც ხომ იხევენ შიშით უკან და მტერს სთხოვენ მოწყალებას და შევლას! ფიქრითვე ვუპასუხებ თავს: ეს შენ არ გამართლებს, ჩემო ვიქტორ! — მეუბნება ნოე. ამ ფიქრში რომ ვარ, მანქანა მოჭრით გადაქანდა მარცხნით და მარჯვნიდან დამეძგერა მთელი სიმძიმით პოლკოვნიკი ინწკირველი (110 კილო!). ამ შემთხვევამ გამომაფხიჭლა და შუშაში გავიხედე. ვნახე ის, რაც არ მენახა. მანქანა მიდის თითქოს თოვლის ხერელში. მივწვდი შოფერს და ვეკითხები: ეს რა ამბავია-მეთქი? მიპასუხა:

— ღამით თოვლის საწმენდ მანქანას ჩამოუვლია, თოვლი გაუჭრია, თორემ ჩვენ ვერ ვივლიდით.

ჩამაფიქრა. მე ქართველმა თავის სამშობლოს, საქართველოს ბუნება რატომ ასე ცოტათი ვიცი! თავი შემებ-

რალა. სამშობლოს არ მცოდნე გამოუდექი. უკან დახე-  
ვაც უცოდნობით მომიხდა. მზე კი სხივოსნობით ძლიერ-  
დება. არეს უფრო დაეუკვირდი. უკვე მთებში შექრილი  
ვართ. მათ ქოჩრებზე მწვანედ აშლილი ნაძვთა ბულბულე-  
ბია და თოვლით დაფარული ძირები თბილად შენახული  
აქვთ ალბათ. როცა მზე თავის უხვ სხივთა სითბოთი თოვ-  
ლის სუსხს დაალბობს და წარმავალ მდინარედ აქცევს,  
მაშინ ისინიც თავისუფლად მძლავრად დაიზრდებიან, მო-  
მავალ ზამთარს უფრო მძლენი შეხვდებიან და უშიშრად  
შეეგებებიან. ასე ვფიქრობდი, რომ გზად აგვიჩნდნენ რა-  
მოდენიმე ჯგუფი რუსის სოლდათებისა, უჭამროდ, ში-  
ნელეებში. შევეკითხე:

— ვინ ხართ? საით მიდიხართ? — მიპასუხეს:

— მცხეთაში უნდა ჩავიდეთ და დანარჩენებს უნდა და-  
ეუცადოთ.

— სად არის თქვენი უფროსი?

— უკან მოდის...

— აბა, რაც შეგვიძლია ვიჩქაროთ — ვეუბნები შოფერს.

— რა თქმა უნდა! — მიპასუხა, შევატყევე, წყენით, —  
მალე ფასანაურში ვიქნებით.

მართლაც. ნახევარი საათის განმავლობაში ისეთ სიმალ-  
ლეზე ავედით, რომელზედაც მზე, სამხრეთიდან, მთელი  
თავისი სისრულით სხივებს აფრქვევს მას და მარჯვნივ  
მთები და ველი გასწორებულად მოსჩანს. ცოტა წინ და  
აღამიანთა ჯგუფი გამოჩნდა. დაეუახლოვდით. მანქანა  
შევაჩერებინე და ჯგუფში ნაცნობი პირები არიან, რო-  
მელთაც რუსის მხედრობა გარს ახვევია. ჩვეს მიახლოე-  
ბაზე ერთობ ჩვენსკენ მოტრიალდნენ. გამოვედი მანქანი-  
დან და პირდაპირ ზერგო (სერიოუა) ქვეთარაძე შემხვდა.  
სანამ მას სალამს მიეცემდი, წინ წამომიდგა მკვირცხლად  
ახალგაზრდა ქართველი ოფიცერი და მეუბნება:

— ესენი ვლადიკავკაზის მთავრობის წევრები არიან და  
ყაზბეგის კომენდანტმა, პოლკოვნიკმა სიმონ წერეთელმა  
საზღვარზე მიღებისათნავე ჩამაბა და მიბრძანა თბილისს

ჩავიყვანო და ჩვენს მთავრობას ჩავაბარო. თქვენ გელო-  
დებოდათ, მაგრამ დრო არ ჰქონდა ცდის. ეხლა რას გვიბრ-  
ძანებთ?

— დიალ რომ დამგვიანებია, ჩემო კარგო! მეტი რა გზაა!  
ბრძანება კომენდანტის უნდა შეასრულოთ!

მერმე ქავთაჩაძეს მიემართე:

— რამდენი ხართ მთავრობის წევრები? — და ჩემს წინ  
წარმომიდგინე: კოტე ცინცაძე. ლადო დუმბაძე. ვანო  
ბოლქვაძე და ერთი კიდევ ქართველი, ძე-ზე თავდებოდა  
მისი გვარი, დღეს არ მახსოვს. სულ ხუთი ქართველი, —  
ელადიკავკაზის მთავრობის წევრი.

— სხვა ერის შვილი არავენ არის თქვენი მთავრობის  
წევრი? — ვეკითხები სერგო ქვათაჩაძეს.

— არ არის. — მოკლედ მიპასუხა, ღიმილით.

— ბევრი გამოგყვით რუსის სალდათები?

— არ ვიცი, მაგრამ ქონება ბევრი ჩაგაბაჩეთ. — მიპა-  
სუხა ღიმილით.

— რა სარგებლობა გვექნება თქვენი ქონებიდან. როცა  
თქვენი ცდა იყო დაპყრობისა და დაქცევისა? ამ სალდა-  
თებით გინდათ ჩვენში სოციალიზმის შემოტანა? სამწუ-  
ხაროა!

— ეხლა ნუ დაგვცინით, ვიქტორ!

— სრულიადაც არა! სერიოზა! ჩვენ ვიცნობთ ურთი-  
ერთს და ამიტომაც ასე გეუბნები. ეს ღვთის წყრომია და  
სხვა არაფერი! — ვუთხარი მას და მივუბრუნდი ჩვენს  
ოფიცერს და გზა „მშვიდობისა“ ვუსჯრვე. მხოლოდ შე-  
ვეკითხე გვარი და სახელი. მიპასუხა:

— თოხაძე, ბატონო!

გავშორდით ურთიერთს ჩვენ და ელადიკავკაზის „მთა-  
ვრობა“. მივალწიეთ „კრესტნი პერევალს“ და ჰოი საში-  
ნელეზავ! პოლკოვნიკი ინწკიჩელი მომაკვდავი მომებ-  
ჯინა გვერდზე. შევშფოთდი. „ბიქტორ!“, ვეძახი. პასუხს  
არ მაძლევს. რა უბედურება შემართება, გავიფიქრე. წუ-  
ხელის უკან დახევა! ეხლა კაცი მიკვდება გვერდზე! ეს



წამის გაფიქრება იყო, რომ მომაგონდა: დიდი სიმაღლე როგორ მოქმედებს გულის სისუსტის მქონეზე. მიემართე შოფერს აეჩქარებინა და ისიც დაეშვა ყაზბეგისაკენ. რამოდენიმე წამიც და ჩემი ბიქტორიც ღრმად ამოიხენენს. მეც მომეშვა გულზე.

— რა მოგივიდა, ბიქტორ?

— მაცალე!

რამოდენიმე წუთით დავჩემდი და ბიქტორის სულის თქმას ყურს ვუფდებ. სულის თქმის სიხშირე დაეტყო. მეც დელვამ მიკლო და ბიქტორიც მეუბნება:

— ეს ოხერი გულის სისუსტე!.. ვინ იცის, რა დროს წამშლის ამ წუთი სოფლიდან?!

— ნუ გეშინია, ჩემო ბიქტორ! ასე რომ მცოდნოდა „კაპლს“ წამოვიღებდი, შე კაი კაცო! რომ გითხრა მართალი, წუხელის შენზე უარესი შემთხვევა მქონდა. ჩემო ბიქტორ!

— რისა და რისგან, — მეკითხება.

— შენთვის ჯერ არ მითქვამს, თუ რა მიზეზი იყო იმისა რომ ისე ჩქარა გამოვიწვიე სამგზავროდ წუხელის. თბილისში რომ დავრბუნდით, მაშინვე ნოეს ვეახელ და მოვახსენე მიზეზი დაბრუნებისა. წოემ კი ასე მითხრა: „ჩვენ რომ ბოლშევიკები ვიყოთ, უკან დახევა არ შეგვეძლებოდა“—ო.

— ხაა-ხა-ხააა! — უცბად გაღიხარხარა პოლკოვნიკმა და მეკითხება:

— და მერე შენ რა უპასუხე? ვიქტორ?

— რას ვუპასუხებდი! ოფლმა დამასხა და სწრაფად გამოვედი მისი სამდივნოდან და აი, კიდევაც გამოვემგზავრეთ. ვჭამე სირცხვილი!

— მაინც ვერ მიუსწრებდი, ჩემო ვიქტორ! ხომ ხედავ, რომ გზაში შეგვხვდენ ყაჩაღები!

— ეს უბრალო თავის მართლებაა დავალების შეუსრულობლობაზე. ჩემო ბიქტორ! ეს შენ ჩემზე კარგად იცი, როგორც სამხედრო პირმა.

— სამხედრო პირნი სხვა დისციპლინით იზრდებიან და თქვენ განა გაუზომლად იმოქმედებთ!

— არა, ჩემო ბიქტორ! რეოლუციონერიც ვალდებულია, რა რომ მიიღებს დავალებას, შეუწყველად შეასრულოს.

— საშინელი ხალხი ხართ რევოლუციონერები! უნდა ვთქვა. სამხედრო შტაბი ხომ არ არის მთავრობა, რომ „ბუნებას“ შეაკვდე! მართალია, ნოეს თქმა ყოველი ბრძანების უძლიერესია, მაგრამ იგიც მიიღებს სახეში მიზეზს!

ასეთ, ჩემი დამშვიდების საუბარშია პოლკოვნიკი ინწკირველი, რომ მყინვარის თეთრი ქუდი ხანს წამს წინ წარმოგვიდგება და წამს მიგვემალება. სულ ქვე და ქვე მივექანებით, რომ თვალის წინ გადაგვეშალა საჯცხოვო სანახაობა. როგორც სინემაში, აფრიკის ცხოვრებიდან მენახა, ისე ახლაც მიიკლაკნება განუზომელი წითელი გველი.

— ეს რა არის? — ვეკითხები შოფერს.

— რკინის წყაროა. მალე მივალთ იქ.

— სრულებითაც არ მცოდნია სამშობლოს ბუნება, პოლკოვნიკო!

— მეც ასე ვარ, ჩემო ვიქტორ! პოლონეთი უფრო კარგად ვიცი, ვიდრე ჩემი სამშობლო, საქართველო! სურვილი კი მაქვს, რომ მოვიარო. მარტო გურიის ცოდნა რა საყოფია!

— განა პოლონეთი კარგად იცი?

— ვალდებული ვიყავი მცონოდა, როგორც სამხედრო პირს. ამას გვავალებდა რუსეთის სტრატეგია. — მიპასუხა.

უკვე რკინის წყაროს გავცილდით და მყინვარი ძირიდან თავამდე, თავისი სისრულით. წინ გვიდგას; თითქოს ორი ნაბიჯის მანძილით ვართ მასზე დაშორებული. ის მზას ზემოდ შესეულია მზის სხივებით და მისი ქუდი ციმციმა ვარსკვლავივით ათამაშებული სხივთაგან. ამ ლამაზ გამტაც სანახაობამ სულ დამავეიწყა გუშინდელი „შერცხენა“ და ბოლშევიკებთან დამოკიდებულება. კიდევ ცო-

ტა და... მის ძირადან. 2 კილომეტრის მანძილით, აღმოსავლეთით, აღმართულია მთა, რომელიც ჯერ კიდევ იჭერს მზის სხივებს, რომ თავისი ისრები ჰკრას ამაყ მყინვარის საყრდნობს. სურათი წარმოგვიდგენს სანახაობას, თითქოს ვიღაცას დაუხაზავს წაწე და შემდეგ კი გეგმით დაუტრიალებია უძლეველი ძალით ბორბალი და ამოუტრია სიღრმე ქვაბისა. თითქოს მათაა მწვერულები ცდილობენ აიწვართონ და გაუსწორდენ მყინვარს, მაგრამ იგი მედიდურად გადმოყურებს მათ და თან და თან ზევით და ზევით იწევა, რომ მზის სხივები მის ძირში მყოფ აბსებათაც იგემონ და ისიამოვნონ. ასე მოგეჩვენება!

ჩათავდა მალლობის გზა და თითქოს ზღაპრით გასწორებული სისწორე გზისა გვიახლოვებს ამაყ ყაზბეგის ფუძეს მარცხნივ; მარჯვნივ კი, მის წინ მდგომი მცირე, მაგრამ სხვებთან კი ბუმბერაზი მთა, რომლის ძირში მიფარული, კობტად საძირკველს დაყრდნობილი, ორ სართულიანი სასახლე, პირდაპირ მყინვარის შემყურე, აღმოგვიჩნდა.

— აი! ეს სასახლეც! ძველი „თეთრი“ გენერალის, ყაზბეგის, მხცოვან მწერლის, ალექსანდრე ყაზბეგის მამისა!

— მეუბნება პოლკოვნიკი ინწკირველი. ცოტა ხანიც და ჩვენი მანქანაც სასახლის წინ გაჩერდა. მანქანიდან გადმოსვლისას დავინახე, კარის წინ რამოდენიმე ჯარისკაცი და რა დაგვინახეს, ერთი მათგანი მკვირცხლად მოგვეგება. მე მას ვთხოვე ბატონ კომენდანტისათვის შეეტყობინებინა, რომ მასთან საქმე გვაქვს-მეთქი.

— უკვე შეტყობილი აქვს, ბატონო! გელოდებით ყოველ წუთში. — მიპასუხა.

ჯარისკაცის სიტყვის გათავებისათანავე კარში გამოჩნდა ახოვანი ვაჟკაცი, იმერულ ჩოხა-ახალუხში, სხარტად ჩაცმული; მახვილი, მომლიმაზე შავი თვალებით, რაინდულად გამომყურე; ხმალ-სატყვარით შესხმული; პოლკოვნიკის ნიშანით, ქართველი ოფიცერი.

— მობრძანდით, თქვენი ჭირიმე! გელოდებით! პოლკოვნიკი სიმონ წერეთელი. თქვენ გიცნობთ, თუმცა პირადად არ შეგხვედრივართ! ჩვენი მთავრობის ბრძანება შესრულებულია.

— გმადლობთ, ბატონო პოლკოვნიკო!

— თქვენი საძებარი უკვე თბილისისაკენ გავამგზავრე!

— დიალ ბატონო პოლკოვნიკო! გზაში შემხედნენ.

— მათი გაჩერება აქ უხერხული იყო და ამიტომ ავაჩქარე მათი გაგზავნა.

— ალბათ სიმართლე გაქვთ. — ვუპასუხე.

— ეხლა მობრძანდით, დაისვენეთ და შემდეგსაც მოგახსენებთ. — სთქვა პოლკოვნიკ სიმონ წერეთელმა და სასახლეში შეგვიძღვა. შესვლისას წინ დაგვიდგა ნამდვილი ბუმბერაზი, უღვაშებ-აგრებილი, „ყარამანიანი“-ვით ვაჟკაცი, პოლკოვნიკის ნიშანით, ქართველი ოფიცერი და თავაზიანად მოგვესალმა:

— დავით სრესელი, ბატონო! — ამბობს იგი.

პასუხის მიცემის მაგივრად, მის ათვალეერებას, ფეხებიდან თავამდე, შევუდექი. სწორედ სამი ადლია, შევა-მოწმე სიმალღე. შემდეგ ხელი გავუწოდე და ვეუბნები:

— ძველებური რაინდობა შეგშვენდებოდათ, ბატონო პოლკოვნიკო! — ჩემი მარჯვენა ხელი კი თითქოს ორმოში ჩაყოფილად ვიგრძენი. სრესელი იღიმის და მეუბნება:

— მე კი მღვდლად ვემზადებოდი, რომ ეს ვერანა სოსო „სტალინი“ არ გაჩენილიყო სემინარიაში. იმის პროვოკაციამ ყველანი სემინარიის გარეთ დაგვტოვა და მეც სამხედრო სკოლაში შევედი და მას შემდეგ სამხედრო სამსახურში ვიმყოფები.

— მეტად საინტერესოა თქვენი ისტორია, ბატონო პოლკოვნიკო!

— ეხლა ცოტა იააუზმეთ და შემდეგ ამ „ტეტიას“ ამბავსაც შეიტყობთ. — მხიარულად გვეუბნება პოლკოვნიკი სიმონ წერეთელი. სუფრა გაშლილი იყო და ჩვენც

საუზმეს შეეუდექით. ცოტა შენაყრდენის შემდეგ პოლკოვნიკი წერეთელი მუზნება:

— როგორც ბრძანეთ, თქვენ გზაში შეგხვდათ ვლადიკავკაზის მთავრობის შემადგენლობა. მაგრამ არ იცით, თუ რა ქონება ჩამოგვიტანა და ღირსებისანი. რასაკვირველია, „მსგავსი მსგავსა შობს“... ქართველი ერის უღირსმა შვილებმა, რვა დიდი ტომარა ქალაქის „ბონები“, ოთხი ფურგონი და რამოდენიმე გამხდარი ცხენი შემოგვიტანეს. ყველაფერს ნახავთ და განკარგულებას გასცემთ. ყველაფერი ვუამბე ბატონ ნოეს ტელეფონით დღეს დილით.

ნოეს ხსენებამ გამწურა წელში. მისთვის ყველაფერი მოუხსენებიათ და მე რისი მაქნისი აღმოჩნდი, — გავიფიქრე.

— ძლიერ კარგი, ბატონო პოლკოვნიკო! შეიძლება ეხლავე დავათვალიეროთ ისინი?

— როგორც ისურვებთ.

კარგი იქნება! — ვთქვი და წამოვდექი. ყველანი წამოდგნენ და პოლკოვნიკმა შეგვიყვანა სალაროში, სადაც ტომრები იყო დაწყობილი, ვლადიკავკაზის მთავრობის „ბონებით“ დატენილი. თითოულ ტომარაზე აღნიშნული იყო, თუ რამდენი „რუბლეი“ არის შიგ. ეხლა არ მახსოვს სწორედ, მაგრამ საერთო ჯამს კი შეადგენდა ოცდა ხუთმეტ მილიონამდე. ტომრები ლუქით იყო დაბეჭდილი. ცავედით გარეთ და მინდვრად დავინახე რამოდენიმე ცხენი, საცოდავად გამხდარი; დაეჭებდნენ გაყინულ მიწაზე საძოვარს. პოლკოვნიკი მეუბნება, რომ თივა ან სხვა რამე აქ არ მოიპოვება და თუ მალე არ წაიყვანეთ. ყველა დაიხოცება შიმშილითო. ძლიერ შემაწუხა მდგომარეობამ. მყინვარს გავხედე და მისი ძირის სიმრგვალემ ყურადღება მიიპყრო. კიდევ დავაკვირდი და მარჯვნივ, სხივთაგან განათებული, პატარა სოფელი აღმოჩნდა..

— რა ჰქვია იმ სოფელს, ნეტაი!

— გველეთი!, — მიპასუხა პოლკოვნიკმა.

— რატომ „გველეთი“?

— იქ მართლაც გველებია, ვინაიდან ცივი ქარი იქ არ ხვდება და კარგი სითბოც არის!

ნელი ნაბიჯით წინ წაველეთ და გადავადექით ღრმა ნაპირს.

— ეს დარიალია!

— დარიალი?! საუცხოვოა! საშინელის სისწრაფით მი-  
რბის და ხმას კი არ იძლევა. ელიპსიური სიმრგვალით  
მყინვარის ძირს უვლის და მიიმართება ჩრდილოეთით,  
მაღალი მთების კლდეებისაკენ. ალბათ მთებსა სჭრის, სა-  
ელელ გზას იკაფავს!

— მართალი ხართ. თუ დრო გექნებათ, მის გაბრძოლილ  
გზასაც ნახეთ!

— გმადლობთ, ბატონო პოლკოვნიკო! ჩემთვის სულ  
ახალი სანახაობაა და საინტერესოც. ქართველმა უნდა  
იცოდეს თავისი სამშობლოს საზღვრები და მათი ბუნებ-  
რივი ხასიათიც.

— დღეს ხომ ყველა გვედავება და ვიწრო ფარგლებში  
უნდა მოვთავსდეთ! თუ აქარის საკითხი მოაგვარა ჩვენმა  
ბრძენმა ნოემ, მაშინ დანარჩენთ უფრო ადვილად გავუ-  
სწორდებით. — ამბობს წერეთელი

— ეხლა კი გატყობთ, ძლიერ დაღლილი ხართ და და-  
ვბრუნდეთ სახლში.— მეუბნება პოლკოვნიკი წერეთე-  
ლი. მეც აღარ გავჯიუტდი. სასახლეში შევედით თუ არა,  
მოისმა პიანოს ხმა და ზედ დამღერის მშვენიერი ბარი-  
ტონით.

— ვინ არის ეს კარგი მომღერალი, ბატონო პოლკოვ-  
ნიკო?!

— ახალგაზრდა ოფიცერი! ნამდვილი პატრიოტი! გვა-  
რად დიდებულნიც! გაიცნობთ. კარგი მომავალი აქვს!  
კარგი ქართულის მცოდნეა! — მიპასუხა პოლკოვნიკმა  
სიმონ წერეთელმა.

— სასიამოვნოა, ბატონო პოლკოვნიკო! სამწუხაროდ, ახალგაზრდა ოფიცრებმა ან სულ არ იციან ქართული, ან ძლიერ მახინჯად.

— ეს ალბათ განიცადეთ „რევიზიის“ დროს — მეუბნება პოლკოვნიკი.

— დიად, ბატონო პოლკოვნიკო!

— შიში არ არის! ყველა შეისწავლის დედა ენას. მხოლოდ დრო უნდა და მთავრობაც (ნეუწყობს ხელს — მეუბნება პოლკოვნიკი წერეთელი.

ასეთი საუბარით შევდგით ფეხი სასახლის დარბაზში თუ არა, იმერულის თავაზიანობით შემოგვეკება მშვენიერი ახალგაზრდა ოფიცერი; შავ-წლვაშ-აყრილი, მაღალი შუბლით. თვალებ მხიაჴული გამომეტყველებით. ორი ნაბიჯი და ამბობს:

— დიდებულიძე გახლავარ, ბატონო!

— რამდენი წელი გაგივლიათ? — ვეკითხები.

— ოცდაექვსი. — მოკლედ მიპასუხა.

— მაშ დრო გაქვთ კიდევ უფრო დაამშვენოთ თქვენი სასიამოვნო ხმა! ჩვენ ხომ ეს დიდად გვესაჭიროება?!

— დიდად გმადლობთ, ბატონო! თქვენი იმედით! — მიპასუხა.

— მაშ, ჩვენი ფიქრები ერთი ცუხით მიდის, ახალგაზრდავ!

— სწორეთ, ბატონო! ჩვენი მთავრობაც, ბატონი ნოე ჟორდანიის თავობით, ვფიქრობ, ხელს შეუწყობს საქართველოს კულტურის აყვავებას და ჩემისათანა პატარა მარტყვლებსაც თავის სათანადო ადგილი ექნება!

— ყოჩაღ, ახალგაზრდავ! ქართული სიტყვა საქებრად შეგისწავლია! იმედით წინ! — ვეუბნები და ხელი ხელს მივეცი. სწრაფად გავიფიქრე: ყველას ნოეს იმედი აქვს და მე კი ნოეს იმედი ვერ გავამართლე! უკან დავიხიე! ამ გაფიქრებამ მათქმევინა:

— მხოლოდ უკან დახევა მიზნიდან დამარცხების მო-  
მასწავებელია, ახალგაზრდავ!

აეთ ჩვენ საუბარს ლიმილით შეჰყუბებს პოლკოვნიკი  
სიმონ წერეთელი და სხვებიც; ამ დროს დარბაზის კარი  
შემოაღო ჯარისკაცმა და მოახსენა: თბილისიდან ჩამოვი-  
დნენ გვარდიის მთავარი შტაბის წევრები და თქვენი ნახვა  
უნდათო. ამ მოხსენებამ დიდად გამახარა და სწრაფი ფიქ-  
რით: ცხენები, ფურგონი და სხვა სამხედრო მასალა გამა-  
ხსენდა. წამს დარბაზში დინჯად შემოდგა ფეხი ანდრო  
კიაბრიშვილმა. მას სწრაფად მივესალმე და კომენდანტს  
წარუუდგინე. პოლკოვნიკმა იკი თავაზიანად მოიკითხა და  
ერთობ ყველა მიგვიწვია დასასვენებლად. ჩვენც დავსხე-  
დით თუ არა, კიაბრიშვილი უბიდან თავის რწმუნების  
ქალაქს იღებს და პოლკოვნიკს აწოდებს. მეორე ქალაქ-  
დი კი მე მომაწოდა. გავხსენი და წავიკითხე. უფრო გავ-  
მხიარულდი. მთავრობის თავმჯდომარე მწერს, რაც რომ  
სამხედრო მასალაა, მაქვე უნდა ჩაბარდეს გვარდიის მთა-  
ვარ შტაბს, რომლის რწმუნებული არისო ანდრო კიაბ-  
რიშვილი. კომენდანტსაც ასეთივე ბრძანება აქვს. ცოტა  
ვითათბირეთ და გადავწყვიტეთ: ტომრებით ბონებს მე  
წავიღებ და სხვა ყველაფერი ანდროს ჩავებაროთ.

ანდრო კიაბრიშვილი აჩქარებით მოითხოვს ჩაბარებას,  
ვინაიდან საღამოს უნდა გაემგზავროს თფილისისაკენ, იქ  
შტაბში მალე მივიდეს საქმეების გამო. პოლკ. კნიკი წე-  
რეთელი თანაუგრძნობს, მხოლოდ თხოვს ცოტათი დასვენ-  
ებას და საუზმის მიღებას. კიაბრიშვილი მას მადლობას  
უბნის, მხოლოდ თხოვს, რომ მას მიეცეს საშუალება გან-  
კარგულების მიცემისა გვარდიელებისათვის. ჩვენც დავე-  
თანხმეთ; გარეთ გამოვედით და დავინახეთ, რომ გვარ-  
დიელები, ექვსი კაცი, უკვე შესდგომიან ცხენების მო-  
რეკას. ექვსივენი მუშები იყვნენ რკინის გზიდან. ჩვენ მი-  
ვესალმეთ მათ და კომენდანტმა, წერეთელმა, ლმობიე-  
რი სიტყვებით ყველა დალოცა და თანვე სთხოვა მათ,  
ებლავე საუზმეზე მოსულიყვნენ. გვარდიელები ცოტა შე-



ყოყმანდნენ, მაგრამ ანდრომ თანხმობით თავი დახარა და ისინიც წამოვიდნენ. ეხლა კი პირდაპირ სასადილოში შევედით. სუფრა გაშლილია. სუფრის თავში კომენდანტი მოთავსდა და ყველა მიგვიწვია. ცოტა ხნის შემდეგ სიმონ წერეთელი წამოდგა, კიქა ხელში აიღო და ამბობს:

— საქართველო აღსდგა! თავისი შესაფერი თავითაც თავი დაიმშვენა! გაუმარჯოს საქართველოს და მის თავს ნოე ჟორდანიას. დღეგრძელობა მისი!

თქმისათანავე მჩვენიერი ტენორით მრავალჯამიერი შემოსძახა. ყველანი აყყევით და მთელი დარბაზი გამხიარულდა. სასმისი ფეხზე მდგომად დავცალეთ.

ანდრო მეუბნება ჩუმად:

— მე ძლიერ მეჩქარება და თუ სადღეგრძელოები დაიწყო და ღვინის სმა. ჩვენ დავთვრებით და საქმეზე მოვცდებით. ამიტომ შენ შეეცადე, რომ არ გაგრძელდეს. თორემა შენ დაგაბრალებ, — ღიმილით დაჟმატა.

სიმონ წერეთელმა ყური მოჰკრა ანდროს თქმას და ღიმილით ამბობს:

— ჩემს დანაშაულს მე თვით ვზღავ, ბატონო კიაბრიშვილო! ჩვენც თანაგიგრძნობთ საქმეზე და ნუ შეიწყუხებთ თავს! ეს უკანასკნელი სურვილია დღეს რომ ვთქვათ — გაუმარჯოს ქართულ მუშათა გვაზდიას! ის ამის ღირსია! — სთქვა და სასმისი დაცალა. ჩვენც მას მივეყევით და ყველამ დაცალა. მერმე თვით პოლკოვნიკი აცხადებს მხიარულად:

— გამდლობთ სტუმრობისათვის! საქმეს შევუდგეთ!

ყველანი წამოვიშალეთ და სიცილით ვარეთ გამოვედით.

გვარდიელები სწრაფად შეუდგნენ სამხედრო მასალების შეწყობას მანქანებზე. ცხენები, რომლებსაც კიდევ შეეძლოთ მოძრაობა და ტვირთის ზიდვა, ფურგონებში შეაბეს, ხოლო დასუსტებულნი კი ურთიერთს შეუბეს სამსამი ცალი, რომ ადვილად გზად გაერეკათ. ისე ჩქარა მოქმედებდნენ გვარდიელები, რომ ორი საათის განმავლო-

ბაში მზად იყვნენ გზას დადგომოდნენ. ამ დროს სამი ჯარისკაცი კალათებით მიუახლოვდა მათ; პოლკოვნიკმა სამგზავროდ ათი ბოთლი ღვინო და სხვა და სხვა ხორცეულის კონსერვები მიართვა და გზაც დაულოცა. გვარდიელები გაუდგნენ გზას თუ არა, შეგროვილ ხალხში ხმა მაღალი ლაპარაკი მომესმა; მათ შორის იყო პოლკოვნიკი ინწკირველი და მისი ხმა ვიცანი. ყურადღების მიქცევისთანავე მისკენ გავექანე და შევეკითხე:

— რა მიზეზია? რაზე დავობ?

— დასავლეთის ფრონტზე რო ვიყავი, მე მყავდა საკუთარი ცხენი. ეს ცხენი აღმოჩნდა აქ და მიუთვისებია ამ მოხევეს. — თქვა და ხელი დაადო ადგილობრივი ეროზის თავმჯდომარეს, სხარტად ჩოხა-ახალუბში გამოწყობილს, ქამარ-ხანჯლით. მოხევე კი ამბობს:

— ცხენი ვიყიდე, ვინემ ბოლშევიკების მთავრობა გამოაქცეოდა ვლადიკავკაიდან და მაკვირვებს ბატონი პოლკოვნიკის „ხუმრობა“! მას ალბათ მოეწონა და უნდა წამართვას! ჩემთვის კი ეს ხუმრობა არ არის!

ინწკირველს თვალეში ჩავაკვირდი და ვკითხე:

— რითი დაამტკიცებ, რომ ცხენი შენი იყო?

— მე მყავს მიჩვეული; როცა ყურზე ხელს მოვკიდებდი, ის დაიჩოქებდა!

მოხევემ ფიცხლავ წამოიძახა:

— ბატონმა პოლკოვნიკმა მართლაც ჩაავლო ხელი ყურში და ცხენმაც დაიჩოქა; აბა, რას გაუძლებდა ასეთი ლომკაცის ძალ-ღონეს, ბატონებო!

ამ განცხადებამ საერთო სიცილი გამოიწვია. პოლკოვნიკსაც გაელიმა. ჯერი ჩემს გადაწყვეტილებაზე მიდგა. იმ დროს მოხევეთ გაჯავრება ცუდი იყო, ვინაიდან განაპირა კუთხეების განწყობილება ჯერ კიდევ დიდ სიფრთხილეს მოითხოვდა და ასეთი მცირე რამისათვის მეთაურის გაჯავრება არა სასიამოვნო შეიქნებოდა. შემდეგ ცხენი მთავრობის ქონებად გამომეცხადებინა და კომენდანტისათვის გადამეცა. ცოტა გაფიქრების შემდეგ პოლ-

კოვნიკი გავიხმე და მოკლედ ჩემი აზრი ვუთხარი. მან კი მიპასუხა:

— როგორც შენ მოისაზრებ, ვიქტორ! შემდეგ მოხევეს ვეუბნები:

— ცხენი შენ გ'ჩება. მხოლოდ თუ საჭიროდ ღარ-ჩება მთავრობისათვის, მაშინვე უნდა ჩააბაზო.

მოხევე ჩემთან მოიქრა და მეუბნება:

— ცხენი კი არა, ჩემი თავიც ნოე ჟორდანის მთავრობისათვის ჩამიბარებია, რასაკვირველია, ბატონო!

პოლკოვნიკმა ინწყირველმა და მოხევემ ხელი ხელს მისცეს და მზიარულად ური ე'თს დაშო'დნენ. ჩვენც სასახლეში დავბრუნდით და კომენდანტი სიმონ წერეთელი მეუბნება:

— გმადლობთ, ვიქტორ! ასე წყნარად გაათავე ეს დავა და პოლკოვნიკი ინწყირველი და მოხევე შეარიგე. თორემ აქ მოსვენება არ გვექნებოდა მოხევეთაგან. საყვედურით აგვავესებდენ, ვითომც იმე'ელი იმერელს მიუდგაო...

— განა ასე ამბობენ?! — ვეკითხები.

— გამოჩნდებიან ზოგნი, თუმცა ნაკლებად, რომ ასეთს იტყვიან „საპროვოკაციოდ“! მაგრამ გასაველი არ აქვს! შენ რომ მოხევის სასარგებლოდ არ გადაგეწყვიტა, მაშინ მიზეზი მიეცემოდათ და პროვოკაციასაც გასაველი ექნებოდა, ვინაიდან აქ ყველამ იცის, რომ შენ მთავრობის სახელით ხარ მოსული. კარგი ქენი!

მწარე ღიმილი მომივიდა და ვამბობ:

— სამწუხაროა ასეთი კუთხური მოვლენა, ბატონო პოლკოვნიკო!

— რა უნ და ვქნათ! ჯერჯერობით საჭიროა სიფრთხილე, რომ საქართველო შედუღდეს და ე'თი სხეული შეიქნეს. განა სახუმაროა ამდენი დროების დაქააქსვა და ურთიერთისგან მოწყვეტა!“ ეს მოხევეები თავიდან დაკავშირებულნი იყვნენ ჩრდილოეთთან და თბილისთან ნაკლები ურთიერთობა ჰქონდათ. დღეს ნოეს სახელი ძლიერია,

მაგრამ თუ შინაურულად კარგი განწყობილება არ განმტკიცდა, მაშინ ნოემ რა უნდა ჰქნას?

— მართალი ბრძანდებით, ბატონო პოლკოვნიკო! თვითეული ჩვენგანი ფრთხილად უნდა ვიყვეთ, რომ ძველი კრილობები სავსებით გაჰქრეს! — ვეუბნები და თანვე გავიფიქრე: ნოე და ნოე! რატომ არის ეს ასე?! ალბათ მისი მოსაზრებები და საქმენი თვით ქართველი ხალხის ძირს ეყრდნობა და მისვან ანარეკლია! სხვაფრივ არ აიხსნება! მე კი უკან დავიხიე! დავძაბუნდი!

ეოტა სიჩუმის შემდეგ ვეუბნები კომენდანტს:

— ხვალ დილით გზას უნდა გავუდგეთ, ბატონო პოლკოვნიკო!

— სურვილისამებრ! ჩვენ მზად ვართ. ერთ საბარგო ავტომობილზე ბონებით ტომრები დაეტევა და გათავდა. დუშეთამდე პოლკოვნიკი სრესელი მიგყვებათ და მის შემდეგ თქვენი სურვილისამებრ მოიქცევით.

— ვითომც დამცვლი გვესაჭიროება, ბატონო პოლკოვნიკო?

— ვინ იცის. ბატონო ვიქტორ! ფულები მიგაქვთ! ყველასგან გაგონილია და ხო იცით, ეს უბედური ფული ყველას იტაცებს და მისი მოტაცების მსურველნი ჩნდებიან, მით უმეტეს ამ მთაში ხომ ვაჟკაცობად ჩაითვლება მისი მოტაცება!

— მინდოდა კი ჩვენს საზღვრამდე ჩავსულიყავ; რა მანძილია აქედან, ბატონო პოლკოვნიკო?

— სულ ხვთი ვერსია. თუ ისურვებთ, სადილის შემდეგ წავიდეთ და ყველაფერს ნახავთ.

— მადლობელი ვიქნები.

საჩქაროდ ვისადილეთ და ჩრდილოეთის საზღვრისაკენ გზას გავუდექით. დარიალის პირველი ხიდი განვლეთ და სოფელ გველეთის ძირს გავიარეთ. თან და თან მთების თავები ურთი-ერთს უახლოვდებიან და თითქოს, აი-აი, შეიკვრებიან, რომ წინ აღმოგვიჩნდა დარიალის კალთების შორის პატარა კუნძული. მარცხნით გოლიათი მთის

სიმალიდან დიდი ჰრილობა წითელ-ყვითლად მოსკვივის მზის სხივებიდან. ვეკითხები პოლკოვნიკს:

— განა კიდევ ხდება ზეავი და მეწყერი ამ მთებიდან?

— ხშირად. მხოლოდ დარიალი ნახევარი საათის განმავლობაში გაწმენდს, რა დიდი შევეიც არ ჩამოინგრეს! და განაგრძო: — მართლაც რომ დიდი ბრძოლების მწარმოებელია მყინვარის გატყორცნილი მდინარის ძალა. ვინ იცის რამდენი სიცოცხლის მანძილით ბრძოლავს, რომ სიცოცხლის მსვლელობის გზა არ დაეხშოს! ამისთვის მუდმივ შრომობს და მომხდურს ამარცხებს, რომ მთის ხალხებს მუდმივი კავშირი ჰქონდეთ და ძმური მეზობლობა. ეს, ინგუშები, ხომ ძმური გრძნობებით გაუღენთილი არიან საქართველოსადმი; ზალკარებიც კარგად არიან ჩვენთან; ოსებიც ასეთებად უნდა ჩაითვალოს, გამოწაკლისის გარდა.

პოლკოვნიკი სიმონ წერეთელი რომ ასეთ საუბარს აგრძელებს ჩემთან, მე თავში მიტრიალებს ლერმონტოვის „დემონი“-ს თამარ, ვინაიდან პატარა კუნძულს, დარილის შტოებს შორის, რომელსაც მთასდევები თავს დაჰყურებენ, შეეძლო პოეტის გრძნობების მართლაც იმ რიგად ამღერება, როგორც მან ამღერა „ფანტასტიურად“ და მისი გამკილაენი უფრო სათუთად უნდა მოპყრობოდნენ, ვინაიდან დიდი თამარის პირადობასთან, მის ამღერებას, არავითარი კავშირი არ ჰქონებია, მხოლოდ წამოდვენითი. ასე ჩაფიქრებული ვისმენდი პოლკოვნიკის საუბარს, რომ მდინარის ხმაურობა უფრო გაძლიერდა. კიდევ ცოტა და მოსაზღვრე ჯარის ბანაკს მივალწიეთ. ალბათ პოლკოვნიკმა ტელეფონით შეატყობინა წინ და წინ, რომ კაპიტანის ნიშნით ოფიცერი წინ დაგვიდგა მხარჯლის სახით. პოლკოვნიკს მხედრული რიხით მიესალმა და მოკლე მოხსენება მისცა. შემდეგ მარდად ჩემსკენ სახე იბრუნა და ხელებ დაშვებული სალამით მეუბნება:

— კაპიტანი კობახიძე, ბატონო!

მე მას ხელი გაუუწოდე და ვეუბნები: — ალბათ აქ მოწყენას ვერ იგრძნობთ, ბატონო კაპიტანო!

— ერთი მხრით. არა, მაგრამ მეორე მხრით კი, ბატონო!

— ეს ორი მხარე რას წარმოადგენს, ბატონო კაპიტანო?

— პირველი ის არის, რომ დარიალი სიცოცხლის მომგვრელია; მეორე კი ის არის, რომ ამ სიცოცხლის დაჟამშვენებელი და დამამშვიდებელი აქ არ მოიპოვება, ვინაიდან კაცობრიობის მთავარი, მეორე ნაწილი აქ არ ქაჩანება, ბატონო! — სიცილით ათავებს.

— მაგიერად ხშირად გიშვებთ შვებულებაში, შვილო! — სიცილითვე უბასუხა პოლკოვნიკმა და ყველას მხიარული განცდა მოჰგვაწა. მიმოხედვის შემდეგ ჩემი ყურადღება მიიპყრო შემოღობილმა ეზომ. ამ ეზომ მომავონა ალ. ყაზბეგის „ნამწყესარი“, სადაც იგი აღწერს მეცხვარე მოხვევთა თავგადასავალს, როცა იპინი ცხვრის ფაწას მიეჭებოდნენ ძაღვის მიდამოებში საძოვარზე, ზამთრობით და იქ კი, რუსის ჯარისკაცები დარაჯობდნენ და საბაჟო გადასახადს ართმევდნენ, თითქოს სხვა სახელმწიფო საზღვარზე გადიოდნენ. წვევკითხე პოლკოვნიკ წერეთელს:

— რატომ იქცეოდა ასე რუსეთის მთავრობა? განა მიღამო რუსეთის საზღვრებში არ იყო, რომ მეცხვარე მისი ქვეშევრდომი იყო და მაინც ასე ავიწროებდა მათ?

— რასაკვირველია, აქ ბოროტი ეცნზრახებია! ამ მოქმედებით ნათელია, რომ რუსეთის მთავრობას სურდა აქაური მცხოვრები აშკარად გამოეყვანა თავის წინააღმდეგ. რათა მიზეზი ეშოვნა მათი აქედან სრულებით გადასახლებისათვის. სხვა მოსასზრება არ შეიძლება აქ მოვიტანოთ. რუსეთს უნდოდა სავსებით მოესპო ქართული ეროვნება, რისთვისაც მოსპო ქართული ადმინისტრაცია და შეუდგა სრულ რუსიფიკაციას, ქართულ თავადაზნაურობას თითქოს მისცა პრივილეგიები და სამხედრო სასწავლებლებში სახელმწიფო ხარჯზე იღებდნენ, რომ სრული გარუსება მოეხდინა. განა ის ხარჯები, რომელსაც რუსეთი იღებდა თავადაზნაურობის შეილებზე, ერთ ნეასედს წეადკენდა მის შემოსავალს საქართველოდან? რასაკვირველია, არა! — დაათავა სიმონ წეჩეთელმა და დააძინა: — სწორედ

რომ დროზე მოგვისწრო რევოლუციამ, თორემა...

— თორემა? — ვეკითხები.

— თორემა, კიდევ ორმოცდაათი წელი და ქართველი ერი ნახევრად გარუსდებოდა და საქართველოს ტერიტორია სავსებით აკრელებული გახდებოდა სხვა და სხვა ჯურის ხალხების ჩამომავლობით; საქართველოს წერტილი დაესმებოდა და მხოლოდ ისტორიაში მოიხსენიებდნენ, რომ იყო ასეთი და ასეთი ერიო!

პოლკოვნიკის ასეთმა დასკვნამ ძლიერ შოზს გამოიტაცა და მომავალს პირადი განცდები, როცა ბათუმის უბრალო სახელოსნო სასწავლებელში მოსწავლეობის დროს პანსიონში ვიმყოფებოდი, თუ ქართულად მოლაპარაკეთ მოგვასწრებდა ზედამხედველი „კარცელში“ დაგვამწყვდევდა და უსადილოდ დაგვტოვებდა ხოლმე. ამ მწარე მოგონებამ გაამართლა პოლკოვნიკის მოსაზრება საქართველოს მომავალზე, სინამდვილით შეიქრა ჩემს შეცნობაში და დასტურით პოლკოვნიკს თვალი შევავლე; უსიტყვოდ ნაბიჯი ხიდისკენ გავდგი, რომლის მეორე დასაბჯენი, თითქოს, გამოურკვეველ მდგომარეობაშია, ჩვენ გვეკუთვნის, თუ ვინმე სხვას და შუაზე კი გავლებული აქვს რკინის ჯაჭვის საზღვარი და ვეკითხები პოლკოვნიკს:

— ვანა ჩვენი საზღვარი შუა ხიდამდეა?

— არა! ხიდის იქეთ ოთხი ვერსი ჩვენს საზღვარებში უნდა შემოვიდეს, მაგრამ რადგან იმ მხარეში ჯერ კიდევ არეულობაა და წესრიგი არ აწახებობს, ამიტომ ჩვენთვის უფრო ადვილია თავდაცვა ყოველი მოულოდნელობიდან. იმ მხარედან ხშირად მოგვადგებიან შეიარაღებული ჯგუფები, მაგრამ როცა ჩვენს ჯარისკაცებს დაინახავენ, მაშინვე უკან ბრუნდებიან. აი, გაიხედეთ მარჯვნივ. იქ სამი „პულემიოტია“ მიფარებული. იმ იარაღით ათასობით დაიხოცებიან მტრები და მათ კი ვერას ვზით მიუდგებიან!

მართლაც, რა რომ დავაკვირდი, მდინარეს ისე გამოეხაზა თავშესაფარი ჩვენი ჯარისათვის, რომ ჰაერიდანაც ვერ მიუდგებოდა მტერი. ეს მხარე საქართველოს ბუნე-

ბას მტკიცედ დაუბეჭდია. მხოლოდ შიგნიდან შეიძლება მისი გარღვევა. ასე ვიფიქრე და შევეკითხე პოლკოვნიკს:

— გარდა ქართველი მოხევეებისა კიდევ აქის ამ კუთხეში სხვა ტომის მოდგმა?

— არის, სამწუხაროდ! სხვა და სხვა სიმადლეზე ყაზბეგიდან ჩვენსკენ მისახლებული არიან ოსები, რომლებიც ხანდისხან არა სასიამოვნო ყოფაქცევით დაძვრებიან; მაგრამ არა უშავს! მოხევეები მათ თვალყურს ადევნებენ და თუ რაიმე შეიტყვეს, კაჭ დღეს არ დააყენებენ.

მესიამოვნა და თან დამაფიქრა ამ გაჭეობებამ, რომ პოლკოვნიკი სიმონ წერეთელი მეღბნება:

— კაპიტანი გვთხოვს ვესტუმროთ, ნუ გავაწბილებთ!

— რასაკვირველია! უდაბნოშია და ჩვენც მოველხინოთ. — ვეუბნები.

კაპიტანი კობახიძე მოლიმაქი სდგას პატარა „ყაზაქის“ წინ, თავაზიანად წეგვიძღვა და გვეუბნება:

— ბატონებო! მანდილოსნებმა თავი დაგვიკრეს და წავიდნენ! სუფრას მათი შნო აკლია, მაგრამ იმედი გვაქვს უმათოდ არ დავეიწუნებთ! ბატონი პოლკოვნიკიც ძუნწადაა ჩვენთვის, მაგრამ არა უშავს! კონიაკებს ხშირად მოვითხოვთ და ისიც არ გვაკლებს! გთხოვთ ჩვენი სილარიზის თითო ჭიქა მიიღოთ და ეუსჯროთ ჩვენ ნოე ჟოზდანიას დღეგრძელობა და სიმტკიცე სამშობლოს განმტკიცებაში! — სთქვა მან და პატარა ზონჩაზე პატარა ჭიქები, კონიაკით სავსე და ახლად დაჭერილი თევზი. ნიორწყალში გავლებული მოგვაწოდა. სწორედ რომ მომხივებულ ვიყავით. პოლკოვნიკმა ვ. ინწკირველმა ხალიხით თევზს თავში წააელო ხელი, ზევით ასწია და სიამით ცქერა დაუწყო, რამაც ყველას ყურადღება მიიქცია. თევზის სილამაზე მართლაც განუსაზღვრელი აღმოჩნდა: აფოროჯებული ტანით ერთი მესამედი კუდიდან, ცეცხლის ალისაებრ მოელვარე! ცოტა შეეჩერდით სიჩუმით. სიჩუმე დაარღვია კაპიტანმა კობახიძემ:

— ნუ გიკვირთ, ბატონებო! ჩვენი სამშობლო სილამაზით ავსებულია! მისი საიდუმლოება ბუნების მფავე-



ლობის ქვეშ არის... რაც რისხვა არ მოეწონინოს ზემოდან. ამ სიღრმეში შეიღებს თავისას და მუდმივ უკვდავად აქცევს! ასჩვიდმეტი წელი თავს აწვა უმსგვსოდ ულამაზო მტერი! რა აღსდგა, ვერ ხედავთ, რა სილამაზით მოირთო თავი! მე ვნახე ნოე ჟორდანიის თბილისში. განა საქართველოს ბუნება არ არის მასში?! მისი ახოვანება! მისი გამომეტყველება! შუბლი! რა ვითხრათ, ბატონებო! გაუმარჯოს ნოე ჟორდანიას. მრავალჯამიერ მის სიცოცხლეს! — დაასულა კაპიტანმა კობახიძემ.

— ვაშა, ბიჭო! — შესძახა პოლკოვნიკმა წერეთელმა და „მრავალჯამიერ“ შემოსძახა. ჩვენც ავყევით. ჩემს სიამოვნებას საზღვარი არ ჰქონდა. თანვე წარსული დღე მომაგონდა და დამაფიქრა: „უკან დავიხიე“! საზოგადო სამადლობელი ვთქვი და კომენდანტს ვთხოვე უკან დაბრუნება. გზაში სიჩუმით ვიმგზავრეთ. თითქოს ყველანი ერთნაირმა ფიქრებმა გაგვიტაცა. ყაზბეგის სასახლეს როცა მივუახლოვდით, როიალის ხმა მოგვესმა; კაპიტანი დიდებულძიძე, მძლავრი ბარიტონით, „მტრმანის“ საპასუხო არიას გაეტაცებინა: „რას მიქვია, ცათა სწორო, ცოლის ქება რა რიგია!“...

ქართული ცოლქმრობის სიყვარულის მიფარება! მისი ქება ურიგობაა გარეშეთა წინაშე! გარეშეს მასთან რა საქმე აქვს!

ეს ქართული გულის საიდუმლოება დღეს უფრო ძვირფასია ჩემს წინაშე, ვინაიდან ამ განათლებულ ევროპაში წარამაზა იხარჯება უცხოთა წინაშე „მტლამა-მტლუში“ და ჩვენს ქართველობასაც სენად მოსდებია! მაგრამ ეხლა ამას თავი დავანებოთ.

სასახლეში შესვლისათანავე დიდებულძიძეს ხმა მოუწონეთ და მანაც განაგრძო. ჩემი ფიქრი კი თბილისს დაბრუნებამ შეიპყრო და ვიკტორ ინწკირველს ვეუბნები:

— ხვალ დილით, შვიდ საათზე სამგზავროდ მზად უნდა ვიყოთ, ჩემო ვიქტორ!

— ეს შენი საქმეა! მე არც ცოლი მიცდის და არც შეი-

ლი! ნამდვილი პროლეტარი მე გახლავარ! არსად არაფერს დავეკარგავ, ვინაიდან არაფერი მაქვს!

ეს მან სიცილით მითხრა და სიმონ წერეთელს ეკითხება:  
— მართალი ვარ, თუ არა, სიმონ!

— მეც შენს დღეში ვარ, შვილო! ალბათ ბედმა ასე გვარგუნა და ჩვენც უნდა წვეულებდეთ, თუ რომ ჩვენი პირადობის სატკბოება ასეთი მიმართულებისაა. მაგრამ ვინ იცის, ეგებ ჩვენც გავხდეთ პირადი სიტკბოების ღირსნი! იმედით წინ! ყველაფერი დამოკიდებულია საქართველოს სიმტკიცეზე, ჩემო ვიქტორ! — დაფიქრებული დიმილით სთქვა სიმონ წერეთელმა და მე მომიბრუნდა:

— შენთვის ეს ჩვენი მუდმივ „ხოლოსტიაკების“ ჩივილი რამოდენიმედ გაუგებარია და არც საინტერესოა! ხვალ დილით მზად ვარ გემსახუროთ და დროზე გავისტუმრებთ. შიში ნუ გაქვთ!

სიმონ წერეთელს მადლობა ვუთხარი და თანვე დავუმატე:

— თუმცა თქვენი პირადი განცდები ანგარიშში დიდ რამეს არ წარმოადგენს, მაგრამ ყოველივე დიდი შესდგება პატარეებიდან და ამიტომ მათი უყურადღებოდ დატოვება მთელს დიდათ ავნებს. სავსე კოდი მარცვლებითაა სავსე. თუ მარცვლები გამოეცალნენ, კოდიც დაცალიერდება და უშინაარსოდ დარჩება. თქვენ იცით, თუ რამდენი საუკუნე არსებობს ქართველი ერი, როგორც ერი და, სამწუხაროდ, გადადების მაგიერ, მცირდება და სუსტდება. მისი ნიჭი აღარ გამოდგა, როცა სიმრავლით სუსტია. ამიტომაც უფრო გამსავლებული, ახალგაზრდა ენებიც ანგარიშს არ გვიწევენ. დიდებს რა უნდა ვუთხრათ, როცა თვით დამცირებული, პატარა ტომებიც კი, ცხადლივ და ფაქულად გვამცირებენ და ნამდვილ ქართულ მიწა-წყალს გვედავებიან. აქ კი, ჩემო მეგობრებო, თვითთულის თქვენთაგანის პიროვნებაც თითო მაჩვენალს წარმოადგენს და ამიტომაც ეს კითხვაც სახუმარო არ არის ერის ცხოვრებისათვის. განა ეს ჩემზე უკეთ თქვენ არ გესმით?!

ამ საუბარის დროს, ჩვენდა შეუმჩნეველად დიდებული-  
ძეს რაოიალი შეუჩერებია და მთელის ყურადღებით სწე-  
ნად ვადაქცეულა. დაფიქრებული სახით ორივე პოლკოვ-  
ნიკს შეჰყურებს. ეს შენიშნა სიმონ წერეთელმა და მას  
მიუბრუნდა:

— შენ, შვილო, ჯერ კიდევ დრო გაქვს! ამიტომ ეცადე  
დრო არ გაგიშპეს, თორემა ჩვენსავე დაიწყებ წუწუნს.

— მაშ ასეა საქმე?! მე მყავს ერთი საგულისხმიერო და-  
ეხლავე წერილს მივწერ, რომ მზად იყოს შეუღლებისათ-  
ვის. ალბათ ესეც არის ჩემი ვალდებულება სამშობლო-  
სადმი! — მხიატულად ამბობს ახალგაზრდა დიდებულიძე.

— კარგადაც იზამ, ჩემო მეგობარო! თუ იმას უცადე,  
რომ გამდიდრდები და შემდეგ მოაგვარებ, მაშინ დღე  
დღეზე მიიწურება და შემოგალამდება. და უიმედოდ გახ-  
დები სიცოცხლეში. ძალი და ღონე ახლა გაქვს! გეუბნები.  
ეხლა კი ვივახშმობთ და დავიძინოთ, რომ დილით უფრო  
მხნედ ვიყოთ და გზას გაუდგეთ! — სთქვა წერეთელმა და  
სასადილოში შეგვიძღვა. დაფიქრებული ვახშამს შევუ-  
ღეით. არავინ ენას არ ძრავს, გარდა მასპინძელისა, რო-  
მელიც ხან გამოშვებით ამბობს — მიიტვით, თქვენი ჭი-  
რიმე!

დილით, შვიდ საათზე უკვე მანქანაში ვისხედით და სა-  
ბარგოში კი ტომრები, ბონებით სავსე. გზა მშვიდობისა  
გვითხზა პოლკოვნიკმა წერეთელმა და ჩვენც მანქანები  
დავძარიტ. ვიქტორ ინწკირველი გვერდზე მიზის და შე-  
ვატყვე სახეზე ღიმილი. ცნობისმოყვარეობამ არ მომას-  
ვენა და შევეკითხე:

— რა გსიამოვნებს ასე, რომ სახეზე ღიმილი არ გშორ-  
დება. ჩემო ვიქტორ?!

მან კულიანად გადიხარხარა და მეუბნება:

— მე მინდა, რომ გავხდე მოწამე იმისა, თუ რა რი-  
გად შეხედებით თბილისში შენ და ნოე! შენ ხომ „უკან  
დაიხიე!“ — სთქვა და კიდევ გადიხარხარა.

მისმა ასეთმა გაზუმრებამ მართლაც დამაფიქრა. მაგრამ მას რომ კბილი მოვეკეთო, ვეუბნები:

— მე კი უფრო ის მაფიქრებს, თუ როგორ შევძლო ეს ვეებერთელა „ყაძახი“ ცოცხალი ჩავიყვანო თბილისში! „კრესტნი პერევალი“ ხომ წინ გვიდგას! — შევატყვე პოლკოვნიკს, რომ ღიმილი სახედან მოეშალა, რამაც მეტად შემაწუხა და ვეუბნები:

— რად დაფიქრდი, პოლკოვნიკო! წიში არ იქონიო! შენ უკვე ეს სამი დღე შეეჩვიე მთის ჰაერს და ის სიმაღლეს ვერას დაიკლებს.

— შაქარი შენს პირს! იმედიც კაი საქონელია! მარა ვინ იცის! — მეუბნება.

— კაცის გულღვარდლიანობაა, რომ ასეთი დაფიქრიანება შეგძინე, ჩემო ბიქტორ, თორემა ჩემი თქმა მართალი გამოდგება. ამაში დაწმუნებული ვარ!

ამ საუბარით უკვე აღმატეს შევეუდექით. მყინვარი ზურგით მოგვექცა და მანქანაც მიხვეწლ-მოხვეწლში დადასრიალებს. თუმცა პოლკოვნიკის მდუმარეობა ძლიერ მაფიქრიანებს, მაგრამ მინდა გავაწყო საუბარით და თვითონაც გამოვიწვიო ამისად, ამიტომ ვეკეთებები:

— შენ დიდ ხანს ცხოვრობდი პოლონეთში და გეტყობა, რომ გულგრილი არ იქნებოდი დედრობითი სქესისადმი. როგორი მანდილოსნები ჰყავს პოლონეთის მოდგმას? თქვი ნათლად, ჩემო ბიქტორ!

მან გაიღიმა და მეუბნება:

— მანდილოსნებს იქ სრულებით ვერ ნახავ, ჩემო ვიქტორ! ყველა ქუდოსანია! უსათუოდ მათ შორის ნახავ მეტად მიმზიდველ სახეებს, მხოლოდ უფრო ძველ არისტოკრატთა შორის. დანარჩენნი კი საერთოდ, ჩვეულებრივ, მოქალაქეებს წარმოადგენენ; მხოლოდ სოფლის მცხოვრებთა შორის, უმეტესობა, უფრო დახურული სახისანი არიან და მწყრომარედ გამოიყურებიან. საშინლად ეზარებათ რუსობა, განურჩევლად წრეებისა და ჩამომავლობისა. მე მშველად ის, რომ შეიტყვეს, ქართველი ვიყავი. — და გაცინებით დაუმატა: — ჩემი გვარი ხომ ინწ-

კირველია; მე კი ვეუბნებოდი ხოლმე მათ, რომ მე ჩამომავლობით „პრინც-კირელი“ ვარ-მეთქი. ჩამომავლობას იქ დიდ ყურადღებას აქცევენ და მეც მათგან პატივში ვიყავი. ისე კი, პოლონელი ქალი და მამაკაციც მეტად თავმოყვარენი არიან. შეუჩაცხოფას ვერ იტანენ და სიფიცხითაც ქართველს ბევრად არ ჩამორჩებიან.

— კაცო! შეგეკითხე ქალების შესახებ და შენ კი შეგექნა მთელი „რომანი“! მათი საერთო დახასიათება, როგორც ერის, მიაჩნებ. მე მინდა გავიგო, გქონდა თუ არა გრძნობებით ვატაცება რომელიმე დულცინეასთან! — სიცილით ვეკითხები, რომ მეტი ვალაპააკო და უმაღლეს სერს გადავცდეთ საუბარით. ის მართლაც ჩაება და მიხვეწლ-მოხვეწლობით მიაჩნებოვს, რომ მართლაც იყო გაბმული ჰიყვარულის ქსელში, მაგრამ ომმა ის გადისროლა სხვა და სხვა ადგილზე და მისი ვატაცებაც მიილულა.

ჩვენი მანქანა შეუჩივრებლივ მიიჩქარის და „კრესტნი პერველს“ გადავცილდით. ცოტა ძირს დავეშვით, სამხრეთით, და ბრწყინვალე მზე მხურვალედ მოგვესალმა. ეხლა კი შევეკითხე:

— როგორ გრძნობ თავს, ბატონო პოლკოვნიკო?

— მშვენივრად! — მიპასუხა.

— კარგი და პატიოსანი, ჩემო ბიკტორ! ხომ ვეუბნებოდი?!

— მე კი გადავრჩი, მარა შენ რა გეშველება? ნოესთან წებვედრა წინ გიდგას და მოემზადე საომრად! — სიცილით მეუბნება: — ვიქტორ, მართლა ფიქრობ, რომ საყვედურს გეტყვის?

— რასაკვირველია, საყვედურს არ მეტყვის, მაგრამ მე ვეუბნები ჩემს თავს საყვედურს და ესეც საყოფია ჩემთვის!

— კარგი ერთი! მსაჯული წენ გაგამართლებს სინილის წინაშე და ტყუილად ჯავრობ. შენი უკან დახევაც ყველა სარდალს გაუმართლდებოდა. უნაყოფოდ ტანჯვა არაფერი გმირობა არ არის! შოთაც ხომ ამ აზრის არის?

„სადაც არა სჯობს, მაცლა სჯობს კარგისა მამაციისაო“!

სწორედ პოლკოვნიკის ასეთ საუბარში მივალწიეთ ფასანაურს. აუწერელი სილამაზით მოცული მთელი არემარე! აღმოსავლეთით, სამხრეთით და დასავლეთით მართლაც რომ წარმტაცია კაცის გულისა და სულის! დაგვაფიწყდა ყველაფერი და ვთხოვე შოფერს რამოდენიმე წუთით მანქანა შეეჩერებინა. გამოვედი მანქანიდან. ინწკირველმა ბოთლით კონიაკი გამოიღო. ერთი ნაჭერი ჯიხვის მუშხი ხელში დაიჭირა და დანით თლა დაუწყო. როგორც ეტყობა, ჩვენს შოფერსაც მადა მოუვიდა და პოლკოვნიკმა პირველად მას შესთავაზა. ცოტა შეეყოყმანდა, მაგრამ პოლკოვნიკმა თვალთ ანიშნა და მანაც მიიღო. მე კი თვითონ მოვთხოვე ნაჭერი და კონიაკიც კაი ჭიქა გადავკარი. ასე სათითაოდ და დალუკმება ყუათიანი შეგვექნა. პოლკოვნიკმა კიდევ ჭიქა გაივსო; ღიმილით შემომხედა და ამბობს თითქოს თავისთვის:

— ღმერთმა პოლკოვნიკი წირეთელი დიდ ხანს გვიცოცხალს! ჩემი ცხენი მას შესწირებოდეს მოხევეთა დასამშვიდებლად და ჩვენს ვიკტორ უდენტსაც, ნოე თავისებურ შუბლ-ნათლად შეხვედროდეს და მათ შორის ფიქრთა ომი გაქაჩწყლებულიყოს! ურააა! — სთქვა და კონიაკი გადაჰკრა; მერმე გაავსო და მომაწოდა:

— არ გამიწიბილო, ვიკტორ!

გამეცინა და ვეუბნები:

— შენ ეხლა „ფრონტზე“ გგონია თავის თავი! რომელ ომზე ლაპარაკობ? ნოესთან საომარი რა უნდა მქონდეს? ჭიქას კი დავცლი ნოეს სადღეგრძელოთ, — ვეუბნები და ჭიქასაც ვცლი და შოფერს ვუწოდებ. ინწკირველმა მას ჭიქა გაუვსო და მომიბრუნდა:

— ყველაზე უარესი ტანჯვა კაცისა იმ დროს არის, როცა მას გასავლელი აქვს გზა და დრო, მეგობარ მბრძანებელთან შეხვედრამდის, თუ ცოტა ექვებს აქვს ადგილი შეხვედრამდე. გულ-ერთგულებას, პატარა რამ, ტკივილს აგძნობინებს და გულიც დაიკოდება. მაგრამ ამ წუთას,

ამაებს ვამბობ ხუმრობით და იმედია შენც მაპატიებ. სრულებით მართალი ხარ, ჩემო ვიქტორ! მეუბნებოდნენ და მართლაც მახვილი კკუის ყოფილხარ!

ეხლა კი წავიდეთ და რამენაირად შეადღებო? ილიაში შევიდეთ. დღესვე უნდა ვნახო ნოე და მოვახსნო.

— ფულები სად უნდა მივიტანოთ? — მეკითხება იგი.

— სხახლეში, რასაკვირველია! იქ გვარდიის დარაჯია და სალაროც იქ არის ჯერჯერობით.

— არც ღირდა სათრევეად ეს ტომრები! მაგათი ჰონები რას წარმოადგენენ!

— რა უნდა ვქნათ! ბრძანება — ბრძანებაა! და ჩვენც უნდა შევასრულოთ.

შოფერმა მანქანა ააქშინა და ჩვენ შიგ შეველით. შეწყდა ჩვენს შორის საუბარი; ალბათ თვითეულს თავისი ფიქრები გვიტრიალებს. დროს თვალყურს არ ვადევნებთ და მოგვესმა შოფერის ხმა:

— ქალაქი დუშეთი. გასუთ შეჩერდეთ?

— რას იტყვი, პოლკოვნიკო? — ვეკითხები ვიქტორს.

— შენი საქმეა. არ მშია და რომ ჩამოვალთ, ხო იცი, ეს ჩვენი ოხერი ბიჭები, ოფიცრობა! არ გაგვიშვებენ და შენ კი გეჩქარება. მერე მე არ დამაბრალო!

— სწორი ხარ! უთხარი შოფერს ვიჩქაროთ.

მანქანა შეუჩერებლივ მცხეთისკენ დაექანა. უკვე შუადღე ახლოვდება და მიჩქარის ფიქრი, რათა მოვიცილო დავალება თავიდან. მომაგონდა, რომ თუმცა არ გვშია. მაგრამ შოფერის სჯერას არ გვიკითხავს და ცალმხრითი გადაწყვეტილება მივიღეთ და ამიტომ ვეუბნები პოლკოვნიკს:

— კაცო! ჩვენ მაძღრები ვართ, მაგრამ შოფერი რა რიგ არის? ჰკითხე.

მანაც აჩქარებით ჰკითხა და უთხრა, რომ საუზმე მზად მაქვსო, მაგრამ შოფერი მტკიცე უარს ამბობს და მანქანა ააჩქარა: — საათნახევარში თბილისში ვიქნებით!

მართლა თორმეტს ბევრი არ აკლდა, რომ საბჭოთა-

ლოს მივალწიეთ და თბილისის ხმაურობამაც თანდათან  
იმატა ყურთა სმენაში. ინწკირველი მეუბნება:

— რა განსხვავებაა ერთი წლის წინეთ დროისა და  
დღევანდელს შორის! მაშინ არავის არ წარმოედგინა. თუ  
ასეთი წესრიგი დამყარდებოდა ამ ჩვენს მთავარ ქალაქში.  
თუ რომ ჩვენს მთავრობას გადაქრით მკაცრი ზომები არ  
მიეღო ანარქიის წინააღმდეგ და გენერალ კონიაწვილი-  
სათვის არ მიეცა უფლება მის ასალაგმავად, და კიდევ,  
ალექსანდროვის ბაღში, მიტინგზე, სეროიყა ქავთარაძის  
მეთაურობით, ეროვნულ საბჭოს რომ გარეკით ემუქრე-  
ბოდა, ტყვიისმფრქვეველებით არ ეპასუხათ, დღემდის სა-  
მოქალაქო ომი გაგრძელდებოდა და ქართველი ხალხი  
ამოიყლიტებოდა. დაილოცოს ნოე ქორდანიას ქკუა და  
მოქმედება!

გამახსენდა მეშათა საბჭოს აღმასრულებელი კომიტე-  
ტის საერთო სამსაჯულო ხჯლიგან ნასალდათარ-გაბოლ-  
შევიკებულ. ფონტიდან გამოქცეულ ჯგუფებისა, რომ-  
ლებიც შემადგენლობით სხვა და სხვა ეროვნებისა იყე-  
ვნენ: ქალაქის მილიციას თავს ესხმოდნენ თავის გასარ-  
თობად და მტკვრის ერთი ნაპირიდან მეორე ნაპირზე გა-  
მვლელთ მიზანში იღებდნენ, თუ გავარტყამთ ტყვიასო,  
რაც ცხადად გამოირკვა მსაჯულობის დროს; გამახსენდა  
ისიც, რომ ზოგი ვეჭილი მსაჯულთა წინაშე იცავდა მათ  
პიროვნებას სხვა და სხვა ჰუმანიური მოსაზრებით, მაგ-  
რამ მსაჯულთა ერთსულოვნებამ ყველას სიკვდილით და-  
სჯა გადაუწყვიტა და განაჩენი მაშინვე სისრულეში იქნა  
მოყვანილი წმინდა, მუშური გვაზდის მიერ. ელვის სი-  
სწრაფათ გაირბინა ჩემს თავში და ვუპასუხებ ბიქტორ  
ინწკირველს:

— სამწუხაროა, ჩემო ბიქტორ, ის, რომ ზოგს რევო-  
ლუციონერობა თოფის გასროლა ჰგონია და ამიტომ ზო-  
გნი. საზოგადოებაში ცნობილნი, ასეთი შეხედულებით  
ზიანს იძლევა კანონიერ ურთი-ერთშორის დამოკიდებუ-  
ლებაში. მხოლოდ ძირითადი კანონის შეცვლა არის რე-



ვოლუცია და არა ზარბაზანის სკოლა! ნოე ნამდვილი რევოლუციონერი რომ არ იყოს, მაშინ მისი ავტორიტეტიც არ გვექნებოდა! — ვთქვი ესა და მანქანაც გაჩერდა სასახლის შუა შესავალთან, რომლის წინ გვარდიის დარაჯნი დასერიანობდნენ. მივესალმე და მომესალმენ; ვთხოვე მათ გადმოეტვირთათ მეორე ავტომობილიდან ტომრები და ბიუროს წინ დაეღაგებინათ. მათ სწრაფად შეასრულეს ჩემი თხოვნა და ინწყირველსაც თავისი შოფერით გამოვემშვიდობე და რადგან სასახლესთან ახლოს იყო ჩემი ოჯახი, სახლისკენ ფეხით წავედი. გამოვედი თუ არა სამხედრო „სობოროს“ გვერდით, გაეხედე და დავინახე: ამ ჩვენ ნოეს დაუდვია თავი და პორტფელით ხელში, მარტო მიიმართება აღმართს, თავისი ბინისაკენ. უფთი ერთის დანახვა ერთსა და იმავე დროს მოხდა და მასაც ღიმილი შეენიშნე და გავეშურე მისკენ. მეკითხება:

— უკვე ჩამოდი, ვიქტორ! როგორ იმგზავრე? ხომ კარგად ხარ?

— აი, ამ წუთას მოველ! თავს კარგად ვგრძნობ. შენც კარგად ხარ, ვხედავ, და სხვა რა გვინდა!

— აბა, იჩქარე, ადი სახლში და ბავშვები ნახე! თუ არ შეგეზაროს საღამოს შემოიარე ჩემთან, სამდივნოში, არა უგვიანეს წვიდი საათისა. აბა, წადი! არ დაგავიწყდეს! ნახვამდის.

მეც უსიტყვოდ დავემორჩილე და მალეც ბინას მივედი; ნოეს ბინაც ახლო იყო და კარებში შესვლისას მისკენ გაეხედე, როს ის შედიოდა საგარეო სამინისტროს კარებში (იმ სახლშივე მისი ბინა იყო). უფრო სიმშვიდე ვიკვიძენი და ბინაში შესვლამდე ხმა მალლად ჩავილაპარაკე:

— ყველაფერი კარგია, მაგრამ ჩემი „კინტოები“ რას შვრებიან, ნეტაი!

ამის თქმა ერთი იყო, რომ სამივე შვილმა კარი გაფეთქა, ქალიშვილი კისერში და ბიჭები კი ფეხებში მეცნენ; ძლივსლა შევედი პირველ ოთახში, რომ მდივანზე დამაგორეს სიცილ-ხარხარით; არც ამომალეზინეს ენა! თვით

დაიწყეს ტიკტიკი, თუ როგორ დამინახეს ფანჯრიდან, როს „ბაბუას“ ვემწვიდობებოდი (ნოეს ჭალარა მალე გაუჩნდა) და დაირაზმნენ შესახვედრად. დედა სამზარეულოში არისო და სადილიც მზად იქნებაო! სამივენი ერთ ხმად ამბობენ, რომ ერთმა მეორეს არ მოასწროს! მე კი გულაღმა ვწევარ. სახლის დიასახლისიც გამოვიდა და მისალმებისთანავე სასადილოში მიგვიწვია. სახე კი დაფიქრებული ჰქონდა. შევეკითხე:

— რატომ ასე დაფიქრებულხარ?

— აი, როგორი პური გვაქვს!

— ხოო! მეტი არაფერი? მაგიც მალე გამოსწორდება, ჩემო კეთილო! გიორგი ერთე კდილობს და ცდაც გაუმართლდება! მანამ უნდა ავიტანოთ. მეტი ჭზა არ არის! (ერთე მომარაგების მინისტრად იყო). მართლაც პური საშინელება იყო; სხვა სანოვაგეც ძნელი საშოვნელი იყო; ასე რომ დედაკაცებს ძლიერ უძნელდებოდათ მისი შოვნა და ჩემი მეუღლის დაფიქრიანება, ჩემს მიერ გამართლებული იყო, ვინაიდან წვრილი ბავშვების კვება მას კისერზე იყო დამოკიდებული.

სალამოს შვიდ საათზე, დათქმულობის თანახმად, ნოეს სამდენოში ვეახელ და მოხსენებისათვის მზად ვარ ჩემი ყაზბეგში მოგზაურობის შესახებ. კარი გამიღო გიორგი ცინცაძემ, მეტად მხიარული ღიმილით. შესვლისას ვხედავ მაგიდასთან, ნოეს პირდაპირ ზის სილიბისტრო ჯიბლაძე და შევატყვე ორივეს დაფიქრიანება. ეთხმად შემომძახეს:

— ჰოო! ჩვენი ვიქტორი! — და ნოემ მოღიშარი სახით, ხელი გამომიწოდა და სილიბისტროს თვალი უქნა. მეც გამეღიმა და მოხსენებისათვის მოვემზადე...

— ნუ ჩქარობ, ჩემო ვიქტორ! — მეუბნება სილიბისტრო — ეხლა ჩვენ უფრო დიდი საქმე გვაქვს, ვიდრე წარსული საქმის მოხსენება და იმედია, არ იწყენ! ჯერ დაჯექი და ისე მოისმინე.

— ბრძანეთ! — მოკლედ ვუპასუხე და დავჯექი. ნოემ ლიმილით მომხედა და მითხრა:

— შეთანხმებით შინაგან და მიწათმოქმედების სამინისტროებთან და როგორც ხედავ აქ სილიას, ე. ი. ჩვენი პარტიის ცენტრალურ კომიტეტთან. გვევლება შენ მოაწესრიგო საქმეები გოჯის მაზრის ჩრდილო ნაწილის, ლიანხვის იქით, განსაკუთრებით სამაჩაბლოს. ხსენებული სამინისტროები ყოველი საშუალებით დაგეზმარებიან, რომ იქ წესრიგი დამყარდეს, ვინაიდან დღემდის იქ სიმშვიდე დარღვეულია იმის შემდეგ, რაც იქ ამხანაგები დაგვიხოცეს: გიორგი მაჩაბელი და სანდრო კეცხოველი. შენ ეს უნდა მოაგვარო.

სილიბისტრო კი ამატებს:

— ვიცით, რომ ცოლშვილი იყავს; დროგამოშვებით ჩამოხვალ და სანოვაგით, უყურადღებოდ არ დავტოვებთ. შენზე შეჩერდა ჩვენი ყურადღება და აბა შენ იცი, ჩემო ვიქტორ!

მე კი ხელი შუბლზე გადავისვი და მათ წევხედე; ვნახე, რომ ორივე დამკვირებია. თვალები გავუსწორე მათ და ვეკითხები:

— განა თქვენ დარწმუნებული ხართ, რომ მე შეეძლებ შევასრულო თქვენი დავალებანი? ვფიქრობ სუსტი გამოვდგები და თქვენც გაწბილდებით.

— ამაში ჩვენ დარწმუნებული ვართ და ჩვენივე საქმეა! მხოლოდ შენი თანხმობა გვინდა.

— მაშინ მე უნდა მქონდეს მიღებული უფლება, რომ ჩემს მოქმედებაში არავინ ჩაერევა; რომ მე ვარ პირდაპირი პასუხისმგებელი; თუ რაიმე არა შესაფერისი მოხდება, მხოლოდ სასამართლომ და არა პირადულმა კინკლაობამ, როგორც ხდება, ხანდისხან იგივე ჩვენი ამხანაგებიდან. განა არ ვიცი, რომ თქვენ სავსებით გესმით, თუ რა ვალდებულებას მდებთ თქვენს წინაშე და აგრეთვე საზოგადოების წინაშე! ვიცი და ამიტომ გთხოვთ კიდევ დაფიქრდეთ, თუ რამდენად ჩემი ძალით შეეძლებ

ასეთი დავალების შესრულებას. უკეთესია ათჯერ გაზომოთ! ეს თქვენ ჩემზე უკეთ გესმით!

— აი, სწორედ რომ ათჯერ გავზომეთ და შენზე შევეჩერდით. ნოე რამიწვილი და ნოე ხომერიკიც ამ აზრის არიან. — მეჯბნება ნოე ეზრდანია და სილიაც უდასტურებს.

— რაღა დამრჩენია! უნდა დავემორჩილო თქვენს გადაწყვეტილებას. მხოლოდ თქვენი ზნეობრივი დახმარებით თუ შევძლებ!

— ამაში ეკვი ნუ გექნება! ხვალ შესაფერ საბუთს. ჩაგბარებთ და შენზე იქნება დამოკიდებული, თუ როდის შეუდგები საქმეს. ისე კი, დაგვიანება გვაენებს. — ამბობს ნოე და რა მის სიამის სახეს დავაკვირდი, თითქოს მეუბნებოდა: შენც მენანები, მაგრამ შენ უნდა გადადვა თავიო! სიტყვიერად კი დაამატა:

— შენს ოჯახობას, როგორც გითხრა სილიამ, უყურადღებოდ არ დავტოვებთ. მაშ ასე! საქმე გათავებულია! დავმზადე, ჩემო ვიქტორ!

დღესაც მისი მზრუნველობითი სახის გამომეტყველება წინ მიდვას და სანამ ცოცხალ ვარ, ჩემ თვალთა სარკეზე ახატული იქნება.

აბონდანი, სექტემბერი, 1957 წ.

## ნ ა ე ს I

იმას, ვისაც მსახურებდი,  
მეცა ვუხმობ საყვარელსა;  
ბუღმივ ვდივარ, ვერ ვისვენებ,  
ვეძებ, ცრემლით, სანატრელსა.

შავ გალიას გასაგლეჯად  
იგი კედლებს თავს აწყდება;  
ხან მშვენივრად იგალობებს,  
ხან ცრემლადაც დაიღვრება.

მაგრამ მწამს, რომ ის არა დროს  
მახვილს ხელთგან არ გაუშვებს;  
შავ გალიის მათეულთ გაჰკრავს,  
მტერს ტყვეობას არ დაუთმობს;

თავსა იშვებს თავისუფლად  
და შენს სახელს უკვდავად ჰყოფს.

აბონდანი, აპრილი, 1957 წ.

### თავი მეოთხე

ეს ისეთი დროა, როცა თბილისის გარედ თითქოს სა-  
შინელი ოხშივარის ტალღები სუნთქვას გუზავს, რაც გა-  
მოწვეულია ოსმალეთის ფრონტიდან რუსული ჯარების  
მოხსნით და ჩრდილოეთისაკენ მსვლელობით, რომლის სა-  
თავეშიც ბოლშევიკებს სურვილი აქვთ მოექცნენ და მა-

თი საშუალებით თბილისი ხელში ჩაიგდონ, რუსულ სამოქალაქო ომში გააპზვიონ და ამიერკავკასიაც მონაწილედ გახადონ სამოქალაქო ომის, როგორც შიდა რუსეთში, სადაც სისხლისღვრა მიმდინარეობს. განა ნახევარი მილიონი ჯარის წინააღმდეგ, როდესაც ამიერკავკასიაში ჯერაც არც ერთმა ერმა არ იცის თავისი საზღვრების ფარგლები, რომ რევოლუციის ხელმძღვანელობამ შესაფერი მოწოდებით მიმართოს შესაფერისად დაწყობილ ფარგლებში მცხოვრებთ, რომ თავისი თავის დასაცავად შეიარაღდეს და აღვირ-ახდილ „საღდათთა“ შემოსევას წინ აღუდგეს, რათა ღირსებანი ოჯახისა, ქონებისა და თავმოყვარეობისა დაცულ იყოს, — ამ დროს თბილისი არის ის წერტილი ამიერკავკასიაში, რომელშიდაც, ასე თუ ისე, კაცი-ადამიანი თავის თავს გრძნობს კაცად-ადამიანად და საშუალება ეძლევა თავისუფლად იმსჯელოს, სხვას შეხედეს და სხვებთან თავი შეიყაროს: ასობით და ათასობით, ყველგან: თბილისიდან შავი ზღვის ნაპირებამდე, ყოველი თბილისის მსმენელია და მასთან დაკავშირებულია ორგანიზაციულად. და სამაგალითო ის არის, რომ მხოლოდ თბილისის მუშათა გვარდია, რომელიც პირველად შექმნა მუშათა საბჭომ, შეიარაღებულია და წარმოადგენს ისეთ ზნეობრივ ძალას, რომ თბილისის მოქალაქენი და შორს, მის გარეშედაც, დიდის პატივით და მორიდებით ეპყრობიან მას. ასე თუ ისე, მუშათა გვარდია არის დამცველი, როგორც შინაური წესრიგის. ისე გარეშე მოწინააღმდეგეთა ლაგამის ამდები. და თუ სადმე, ქართველთა მკიდრო მოსახლეობის მეზობლად რომელიმე სხვა ჯურის ხალხთა მოსახლეობა, თვითმპყრობელ რუსეთის მმართველობისკან ჩასახლებული, არეულობას დაიწყებდა, ისიც იქვე გაზნდებოდა და სიმშვიდე დამყარდებოდა. ყველამ იცოდა, რომ ეს მუშათა გვარდია, როგორც ზნეობრივად, აგრეთვე ქონებრივად, დამოკიდებული იყო მხოლოდ და მხოლოდ ქართველი ხალხისაგან და ამ უკანასკნელის სახელით კი მოქმედებდა სოციალდემოკრატიული პარტია.

თბილისის ასეთი მდგომარეობა გრძელდება თებერვლიდან, ე. ი. რევოლუციის დაწყებიდან 1917 წლისა და უკვე ხუთი თვე გადის, რომ მუშათა საბჭომ, სოც.დემოკრატიული ხელმძღვანელობით, გადასწყვიტა, რომ საკიროება მოითხოვს დღევანდელი ცხოვრების პირობებით, რომ ქვეყნის რიგზე მოყვანისათვის სოფლის მცხოვრებთა ძალ-ღონეც ამოძრავდეს და სოფელმაც აქტიური მონაწილეობა მიიღოს წესრიგის დაცვაში. მაშასადამე, უნდა დააჩსდეს გლეხთა საბჭოც, რომელიც უნდა დაუკავშირდეს მუშათა საბჭოს და ერთ აღმასრულებელ ორგანოს წარმოადგენდეს. ამის სისრულეში მოყვანა მოითხოვს გლეხთა ყრილობის მოწვევას, ყველა მხარედან, სანამდის თბილისის გავლენა აღწევს, როგორც მაგალითად, აღმოსავლეთით თიანეთის მაზრის მოხაზვით; სამხრეთით, ახალქალაქ-ახალციხის მოხაზვით; დასავლეთით, გურია-სამეგრელო, იმერეთი, რაჭა-ლეჩხუმი-სვანეთი-ღუშეთი, ხევსურეთი. ეს მიწის აღწერილობა ცოცხლად გვიჩვენებს, თუ რამდენად გაბედული უნდა იყოს ის მიმართულება, რომელსაც აღძვრია სურვილი, რათა ასეთი ხანძარის დროს მოაწყოს დემოკრატიულ პრინციპზე კანონმდებელი და აღმასრულებელი ორგანოები. ამ რაიონების საერთო ჯამში აღმოსავლეთ-სამხრეთის ნაწილებში ხომ დასახლებულია ორი „ნაციის წარმომადგენლობა“, ურთიერთის სრულებით მიუყარებელი და მოსისხლედ გადამტერებელი: სომხობა და თათრობა! სწორედ ეს აჩს ქართველთათვის მეტად სახიფათო გზა, რომ ამ ორი ერის წარმომადგენლობის ერთად შეყრა არ შეიქნეს თვით თბილისისათვის პროვოკაცია და არ მოხდეს მათ შორის სისხლიანი შეტაკება, როგორც მოხდა ბაქოს გუბერნიაში. ამ სამი თვის წინად, და შეწყდა მხოლოდ მას შემდეგ, რაც ინგლისელების ჯარმა დაიკავა ბაქო.

ეს ამბავი ყველამ იცის, მაგრამ გადაწყვეტილების სისრულეში მოყვანა შეურყეველია და იმედი მხოლოდ ორგანიზაციულ მოწყობაზეა დამოკიდებული.

რალაც ერთი კვირის განმავლობაში სოც.დემ. პარტიის მთელი პროპაგანდისტთა ძალა შეიკრიბა და იმდენად ძლიერი აღმოჩნდა, რომ თითოეულ პატარა რაიონისათვისაც ორი თუ სამი პასუხისმგებელი პიროვნება აღმოჩნდა. მათ ევალეობდათ: რა ხალხი შეიკრიბებოდა და მას ამოცანას გააცნობდნენ, მაშინვე ერთი ან ორი წარმომადგენელი აერჩია ხალხს, შეფარდებით სოფლის სიდიდისა და მზად ყოფილიყვნენ ყრილობაზე დასასწრებლად. ყოველივე ხაზს თავის თავზე ღებულობს მუშათა საბჭო. ვინაიდან ქართულ მოსახლეობაში დიდი პროპაგანდა არ იყო საჭირო, ამიტომ მთავარი ყურადღება მიქცეულია თათრობაზე და სომხებზე. თათრობაში საპროპაგანდოდ ყურადღებას იქცევდნენ უფრო მუშები, რომლებიც ქარხნებში მუშაობით დაკავშირებული იყვნენ ქართველ მუშებთან და მეგობრული დამოკიდებულება ჰქონდათ ურთი-ერთ შორის. ასეთები სამყოფად აღმოჩნდნენ და მათთან კიდევ თბილისის ახალგაზრდობა, სამოქალაქო სკოლებიდან, თანამგზავრი ქართველობისა, ასე რომ მათი ძალები საკმაოდ აღმოჩნდნენ და საქმეშიაც ჩაერივნენ. სომხების ასალგაზრდები უფრო დაშინაკის პარტიის მიმდევარი იყვნენ, მაგრამ სომხებში საშუალო ხანის პიროვნებათა შორის, რომლებიც სოციალ-დემოკრატიის წევრი, ან მიმდევარი იყვნენ, მეტად დინჯი საპროპაგანდო წრედ შეიქმნა და საქმესაც შეუდგა. განურჩევლად ყველა გრძნობდა, რომ გლებთა ყრილობა აუცილებლად საჩქაროდ უნდა მოხდეს.

მეტად საგრძნობი შეიქნა აგრეთვე გენერალი ახმეტელის თბილისის კომენდანტად დანიშვნა. მან შექმნა თბილისის მილიცია და მისი მილიციის მოქმედება დააკავშირა მუშათა გვარდიის მოქმედებასთან. ამრიგად, თბილისი შიგნით საგრძნობლად გამაგრებულია და სიმშვიდეც ისეთია, რომ შემთხვევით ანარქიულ გამოხვედებს ლაგამი ამოდებული აქვს. ამ მხარით, პროპაგანდისათვის ხელის შემშლელი წინასწარ დამარცხებულია და ფიზიკურადაც დაისჯებოდა. რასაკვირველია, პარტიის ყვე-



ლა წევრი თავის თავს ვალდებულად სთვლის მუშათა გეარდიას და მილიციასაც დახმარება გაუწიოს. ვინაიდან როგორც ერთის, ისე მეორის შემადგენლობა უმთავრესად, ს. დ. მ. პ. წევრებისაგან შესდგებოდა. ქართულ გაზეთებშიდაც გაიელვა ცნობამ საერთო გლეხთა ყრილობის შეასახებ და მისი ატცილებლობის საჭიროებას ასაბუთებდა და ადასტურებდა პრესსაც. ამრიგად, საზოგადოებრივი აზრიც მას მომზადებელი ხედება.

გადაწყდა: გლეხთა ყრილობის მოწყობა მოხდეს უკანასკნელ კვირას ივლიანის თვისა 1917 წ., ცხრა საათზე. ვერის ხიდთან, მტკვრის პირზე. წამდგარია დიდი მოედნით ნიკიტინის ცირკი. ცირკის შინაგანი მოწყობილება და სიფართოე არა ნაკლებ ორ-სამ ათასამდე კაცს თავისუფლად დაიტევს. მტკვარის მძლავრი მოძრაობის სიგრილვეც მის მოედანს სიამით ჩაურბენს და თითქოს უკარნახებს ყველას სიმშვიდესა და ჭკუას, რათა სიცხეს არ აპყვეს და თავი პატიოსნად დაიჭიროს.

კვირა დღეა და მზემაც უხვად დააფრქვია თავისი სხივები თბილისს; მისი ქუჩებიც ხალხის მოძრაობით დელავს; მოწყენილ სახეს იწვიათად დაინახავთ და მით მხნეობა გემატებათ.

არავითარი ჯგუფური შეხმაურება არ მოისმის; მაგრამ რა დააკვირდები ხალხის დენას, მისი უმრავლესობა ვერის დაღწართის დასაწყისში იყრის თავს და ნელტალლად ვერის ხიდისაკენ მიეშურება. პროპაგანდისტები კი, რომლებსაც თავთავიანთი სიები აქვთ გლეხთა არჩეულების, თბილისის გარედან შემოსავალს დააჯობენ, რომ დელეგატს ცხა არ აებნას და დანიშნულ ადგილს მივიდეს.

ცირკის დარბაზი გაწყობილია სამ რიგად. სამ კუთხით დაწყობილი სკამებით. თითოულ მათგანს შეუძლია ცენტრად იქცეს ქართველების, თათრების და სომხების.

პრინციპი ყრილობისა: ყველა საკითხი გადაწყდეს შეთანხმებით თუ დაჯინებით იქნა რაიმე მოთხოვნილება, მაშინ ხმების დათვლით, უმრავლესობით. დღის წესრიგ-

ში ყველაფერი გათვალისწინებულია.

ყველაზე უწინ დარბაზში შემოდინან ქართველების დელეგატები და ერთ რიგს სკამებისა იკავებენ; თითოჯლის მათგანის სახის გამომეტყველება ამტკიცებს, რომ ისინი არიან მასპინძლები და სტუმრებისადმი დიდი მორიდება და თავაზიანობა ესაჭიროებათ.

თანდათანობით შემოდინან თათრების წარმომადგენლებიც და ქართველები მათ უჩვენებენ სკამების რიგზე, რომელსაც მოისურვებენ. ერთი მათგანი, მიმოიხედავს თუ არა, ჩქარის ნაბიჯით ქართველების მარჯვნივ იქერს სკამს და სხვებიც იმ მხარეზე იკავებენ ადგილებს. ბოლოს სომხებიც დარაზმულად შემოვიდნენ დარბაზში და ძალაუნებურად ქართველების მარცხნით აღმოჩნდნენ. აშკარად სჩანს, რომ მათ მოთავედ ჯამალიანი აზის და რიგის სათავეშიც ზის. ცნობილია, რომ ის ერთ მეთაურთაგანია დაშნაკის პარტიისა. სომხების წყობა ხმა დაბლა საუბარშია, როცა თათრებს სრული სიჩუმე უჭერია.

ქართველებიდან ხშირად დაინახავთ, რომ ხან ერთი, ხან ორი შედის სომხებისა და თათრების რიგებში და ღიმილით სატბააზს მართავენ მათთან.

ცირკის მრგვალი ქანდარები სავსებით გაქედლილია თბილისის მოქალაქეებით; დელეგატთა ირგვლივაც, შიდა დარბაზი, საზოგადო მოღვაწეთა და მწერალ-ჟურნალისტთა მიერ ავსებულია. ცირკის გარეთა მოედანიც ხალხითაა სავსე — მოლოდინში! განსაკუთრებით ერთი მაგიდა, რომლის ირგვლივ ოთხი სკამია დადგმული. ყველას ყურადღებას იპყრობს, ვინაიდან აქედან უნდა მოისმას ხმა ყრილობის გახსნისა. სწორედ ათი საათი სრულდება, რომ მარტოდ-მარტო, აკაკი ჩხენკელი, მხიაჭულად თავაწევით გამოდის დელეგაციის წრიდან, მიდის მაგიდასთან და ამ დიდ კრებას მიმართავს:

— ამიერკავკასიის კომისარიატის სახელით გლებთა ყრილობას გახსნილად ვაცხადებ! ეუსურვებ მას სრულ გამარჯვებას წესიერების დამყარებაში და ძმურად შრომაში ურთიერთ შორის! და ყრილობამ რომ თავისი და-

ნიშნულება შეასრულოს, წინადადებას ვიძლევი ეხლავე აირჩეს თავმჯდომარე, რომელიც დღიურ წესრიგსაც წარმოადგენს მის წინაშე გასარჩევად და გადასაწყვეტად. ცთხოვთ აირჩიოთ თავმჯდომარე!

სომეხთა რიგებში ხმაურობა ატყდა და ჯამალიანი იძახის ადგილიდან, რომ კრება შესწყდეს და მოლაპარაკება გაიმართოსო. ამას შეედავნენ ქართველები და სთხოვეს სომეხებს, საქმეს ნუ გავაქიანურებთო და ეხლავე შევეუდგეთ კითხვების გარჩევასო.

რალაც გაურკვეველი ხმაურობა ატყდა და აკაკი ჩხენკელი, გაფიცებული, მაგიდაზე დადგა და კრებას წესრიგისაკენ მოუწოდა. ეს ხმაურობა ქართველებსა და სომეხებს შორის არის და გასაკვირვი ისაა, რომ თათრები სრული სიჩუმით არიან შეპყრობილი, თითქოს სრულებით არ აინტერესებდეთ, რაც ხდება. ჩვენი ყურადღება კი მათზე, თათრებზეა მიპყრობილი. მხოლოდ მათი თვალების გამომეტყველებაში შეამჩნევთ, რომ მათ რალაც გადაწყვეტილება უკვე მიღებული აქვთ. და მე ააეთ ძარღვებ დაქიმულ დროს ვილაც ზურგიდან ხელს მადებს; მივიხედე, ლადო ახმეტელი იყო; მან მითხრა:

— ვიქტორ! აბა, ერთი შეხედე, თუ ანგელოზს ააპკავს ეს ჩვენი ნოე!

მეც დავაკვირდი. სამი წყობით სკამებისა ჩემგან მას შევეყურებ პროფილით. აცვია თეთრი კიტელი და პერანგის საყელო მოწვეებული აქვს. დამჯდარს ჯოხი წინ დაუბჯენია და ხელით მასზე ქილობის ქუდი მიუქეჩია. ფიქრებში ვამართლებ ლადოს სიტყვებს და ამ დროს რალაც ფუტკარის ბუკის ხმისაებრ, ხმაურობის ამოძრავება გაისმა და რა მოხდა! ვეფხვივით ოთხი თათარი წამოხტა, ნოე ეორდანიას მიუვარდა, აიტაცა ჯოხითა და ქუდიანად. „ტრიბუნის“ მაგიდასთან მიიყვანა და ზედ მაგიდაზე დასვა და შესძახა:

— იაშასუნ კარდაშ-გურჯი!

სიჩქარით დანარჩენი თათრობაც ფუტკარივით გარს შემოეჭყა ნოეს. ქართველობას რალა დარჩენოდა! მათ

მიემატნენ ქაბთველებიც; ამ დროს ნოეც სრულად ამართული, მარჯვენა ხელს აიშვერს და მოკლედ აცხადებს:

— კრება დახურულია! გაგრძელდება ოთხი საათიდან.

ამ ამბავს სომხებმა მხოლოდ ფეხზე ადგომით უპასუხეს. ჯამალიანს კი მწარე ღიმილს თუ შეატყობდი.

ციოკის შიგნითა და გარე მოედანი სრულებით გაერთიანდა და ტაშის ცემა და ვაშას ძახილი არ შეწყვეტილა, სანამ ნოე ჟორდანიას არ ჩაჯდა ეტლში და ვერის აღმართს შეუდგა.

ეს ამბავი ასე იყო და ვინც კიდევ რაიმეს იტყვის ამიერკავკასიის ხალხთა მოძრაობაზე, ვურჩევთ მათ: — ყოველთვის ნოე ჟორდანიას მოღვაწეობა შეისწავლოს და მაშინ ის მიიღებს სწორ და უწყევ, საღ პასუხს!

**ლეონტი ჟღენტო**

მიწეზები ოცდაეჳსი მაინის წარმოზობისა  
და  
დღესასწაულზობისა

შესავალი

ყოველი ის, რაც ჩვენს წინაშე გამოჩნდება და ახლად წარმოშობილად ხდება კაცობრიობის ცხოვრებაში, მას, უსათუოდ შესაფერი წარსულის ნიადაგი აქვს და ამ ნიადაგის შემადგენლობის მიხედვით შესაფერისი ნაყოფიც წარმოიშვება. კარგად მსუყე ნიადაგის საშოდან მშენიერი და სურნელოვანი ვარდნი და ყვავილნი გაიფურჩქნებნიან, ყალბ და უნოყიერო ნიადაგზე კი ფუჭი და უსუნო, ან უფრო, ჟალტამის სუნით გაელენთილი, წარმოიშვებიან.

კაცობრიობის ცხოვრების წარსულიც, რომელიც ჯერ კიდევ განუზომელ დროდან მომდინარეობს და რომელმაც დღემდის მრავალი დროებები და პირობები გამოიკვალა, რის გასწერივ ბევრი სახელმწიფოები და ერები, თითქოს, გაჰქრა და დღეს, ჩვენს დროშიდაც თავი წამოჰყო ცხოვრების გასახანლებლად და სიცოცხლის გასაგრძელებლად, ასეთების პირადობაც, უსათუოდ, დამყარებულია მის წარსულზე და იმ ნიადაგზე, თუ რამდენად მათ მიმალვის, ესე იგი, მათ ჯერ კიდევ არსებობის დროს

რაოდენ სიმალლეს აღწევდა მათი კეთილშობილება ადამიანობის თვისებების მიხედვით კაცობრიობის წინაშე.

ასე და ამრიგად. ჩვენი სამშობლო, საქართველოს მიმალვის, ასივიდმეტი წლის შემდეგ (1801 — 1917 წ.წ.) წარმოშევა და გამოჩენა და ოცდაექვსი მაისის მისგან წაშოდგენა და დაბადება, სწორედ, მის წარსულზე იყო დამყარებული და დროთაბუნების შემდეგ, კვლავ სრულის სილამაზით აღსდგა და კაცობრიობას აუწყო თავისი უკვდავება. ამის მიზეზები საქართველოს წარსული ცხოვრების ძირფესვების ღრმად გადგმულობა იყო და ზემოდან, მის თავს ქაჩიშხალის ტრიალი ვერ არყევდა და ოდეს მტრის ქარიშხალი კლდეს შეეხეთქა და დანაწილდა, დაიკრიცა, ქაჩველმა ერმაც ღირსეულად ისარგებლა მისი მტრის მისდამი დამოკიდებულებით და სწორედ მაისის თვის ვარდებით თავი დაიგვირგვინა.

ეხლა კი შევეუდგეთ 26 მაისის წარმოშობის მიზეზების განხილვას და მისი სინამდვილის აღნიშვნას:

კაცობრიობას, გაჩენისათანავე, ერთი დიდად სამწუხარო ავადმყოფობა დაჩენია. ვერ ვხვდებით ერთ ხანასაც კი მის ცხოვრებისას, რომ ეს ავადმყოფობა არ ახლდეს და მას არ აწვალედდეს. განკურვნის მიზნით სასწაულებს დაეძებს და ვითომც კიდევაც პოულობს; მას დღეობად და სამხიარულოდ იწესებს; ფიქრობს თავი ხსნილი აქვს სენიდან, მაგრამ, მაგარი ის არის, რომ იმავე ხანის გასწვრივ იგივე სნეულება იჩენს თავს და იგივე კაცობრიობა იმავე მწუხარებაში ვარდება და ახალი სასწაულების მოძლოდინედ რჩება.

რა მიზეზია მისი შეწუხებისა და წვალებისა?

მთავარი მიზეზი თვით არსებობაა! იგი კაცობრიობა, ხომ ადამიანებიდან შესდგება! თითოეული ერთეულიდან მთელი და მათ შორის დამოკიდებულება იწვევს მწუხარებასა და წვალებას. მთელმა, ე. ი. კაცობრიობამ, შესძლო შებრძოლება და დამარცხება მრავალი შემაწუხებელი ბუნების მოვლენებისა. — შეიძლება ითქვას, რომ „შემქნელის“ მრავალ საიდუმლებას მიუხვდა და თუ მის

თვის რაიმე საზიანო იყო, თავიდან აიცილინა, ანუ დაიმორჩილა: მეხი, ყინვა, წყალი, ცეცხლი, ნადირი, მანძილი, დრო შეამოკლა და სხვა. მაგრამ სნეულება განუკურნებელი რჩება მიუხედავად იმისა, რომ სასწაულების დღეები მზავლდება იმდენად, რომ წლის დღეებიც აპყოფნის.

ყოველი ხანის განმავლობაში იგონებს ახალ საშუალებებს, რომ ბუნება დაიმორჩილოს და კიდევაც აღწევს მიზანს. სნეული მაინც სნეულად რჩება! წამალს თავის გარეთ ეძებს, იმ დროს, როცა ია მის არსებობაში არის და ეს წამალი კი არის თვით თავისი თავის დამორჩილება.

დღემდის ადამიანის სურვილები განუზომელი ჯამ არის. რამოდენი ჭონებაც არ უნდა ჰქონდეს, კიდევ უფრო დიდი ჭონების სურვილი იღვიძებს მასში და ასეთ ნაირად უნდა სხვაზე ძლიერი გახდეს. თუ სხვისი არ შეიძინა, ანუ არ მიითვისა, სხვაზე ძლიერი ვერ შეიქნება და ამიტომ მეტოქეობა იწყება ერთი მეორესთან. მეტოქეობა კი იწყებს გამუდმებულ ბრძოლას და ეს ბრძოლა ხშირად სისხლის ღვრით თავდება პიროვნებათა შორის. რომელიც იმარჯვებს, ის მეორეს მკვდარ ვეამზე დაადგამს ფეხს და გამარჯვებულად მხიარულობს. მაგრამ მისი მხიარულობა არ არის მუდმივი, რადგან შემდეგნი მასზე ძლიერი ჩნდება და მასაც ისეთ დღეს აყენებს, როგორც მან მის მსხვერპლს მიაყენა. სამწუხაროდ, ასეთია ადამიანთა დამოკიდებულება ურთიერთ შორის: ძმა ძმას არ ინდობს, ოჯახი — ოჯახს და ტომი — ტომს. ასეთი დამოკიდებულებაა პიროვნებათა, ოჯახთა და ტომთა შორის.

საშუალო საუკუნედან კი იწყება და ეწყობა ახალი მდკომარეობა. ერთ ტომთა და შთამომავლობათა შეერთება და ეროვნებად ჩამოყალიბება იწყება. ადამიანის თვისებები კი შეუცვლელი რჩება და ეს თვისებები გადადის იმავე ეროვნებაში. ამის შემდეგ არა მარტო პიროვნების დამორჩილებაზე და მასზე გაბატონებაზე ფი-

ქროზს კაცობრიობის ნაწილების მიმართულება, არამედ მთელი ერის დამორჩილებაზე და მისი არსებობის მოსპობაზე. და ეს იწვევს გაერთიანებულ ბრძოლას, სისხლის ღვრას, რადგან მებრძოლთ, ბუნებრივად, სურვილი აქვთ თავისი მეობა შეინარჩუნონ და მეორის მონად არ შეიქმნენ. ერი კი, რომელიც ძალით მეორეს იპყრობს და იმონებს, თავისი საზღვარით სხვა ერებს უახლოვდება და მადა ეღვიძება, რომ ისინიც, სხვებიც, დაიმორჩილოს, რომ მეტოქეობა არ გაუბედონ. ამ რიგად ბრძოლა გაუთავებელი ხდება.

როცა სხვა ერების დამორჩილებით რომელიმე ერი ძლიერდება, ამ რიგი გაძლიერების სურვილი სხვა, შორეულ მისგან, ერებსაც ეღვიძება და გაძლიერებული ერის დასუსტებაზე დღე და ღამ ფიქრობენ. და დაბადებიდან, კაცობრიობის მიმდინარეობაში, აშკარად ჩანს, რომ დიდი, გაბატონებული და ამაყი ერი თვით გახდა მონად და აგრეთვე, როგორც ეროვნება, სრულიად ამოიშალა, როგორც ერთეული, რომელსაც თვით განვითარების ძირი საკმაოდ არ ჰქონებია გადგმული, — აღარ ჩანს მისი მეობა და სახეობა.

ეს ცხოვრების სიდუხჭირე არც ჩვენს მშობელ საქართველოს არ ასცდენია თავიდან. მაასაც ბოროტებით უვლია და ბოლოს მისულა ისეთ თვითგანვითარებამდე, რომ მაშინდელ ეროვნულად და სახელმწიფოურად ჩამოყალიბებულ ერების წინაშე სრულის თანასწორობით და პატივით ყოფილა მისი პიროვნება წამდგარი და არც ერთ ერზე ნაკლები პატივისცემა არ ჰქონებია. იმ დროს ის არა თუ სხვის მფარველობას საჭიროებდა, არამედ სხვები თხოვდნენ მას მფარველობას და შველას. მისი მეზობლები არა თუ მართლ პატივისცემით ეპყრობიან, არამედ ხშირად სიყვარულსაც უცხადებენ. აქ კი უნდა ითქვას მგოსნის სიმართლე: „შიში შეიქმს სიყვარულსა“-ო.

საქართველოს ასეთი ძლიერების ხანა იწყება მათე საუკუნედან და თანდათან წინმსვლელობს მეცამეტე საუ-



კუნის ნახევრამდე. ე. ი. სრული სამასი წელიწადი. როგორც ვხედავთ, ეს სამასი წელი ცოტა დრო არ არის. ძლიერ ნაკლებად იხსენიებიან ერები, რომელთა დაბადება ამდენი საუკუნით ხანჯრძლივი იყოს თვითგანვითარებით. საქართველოს კი ეს სამი საუკუნე კიდევაც გამოუყენებია; მას ყველაფრისათვის ანგარიში მიუცია და თავის არსებობისათვის ისეთი ფუძე ჩაუყარია, რომ დღესაც, მეოცე საუკუნეშიდაც, მითი ვცოცხლობთ. ეს ფუძე ის არის, რომელმაც აიძულა თვით შეგნებული და განათლებული კაცობრიობა თავის ლექსიკონში შეეტანა ასეთი თქმულება: — ქვეყნიერების ხალხთა შორის ყველაზე უკეთილშობილესი, უგანათლებლესი და ულამაზესი, არის ქართველი ერი“-ო.

საქართველოს კი ამ ხანის მსვლელობაში დიდის სიფრთხილით და მოსაზრებიანად შეუზავებია სჯულთმეცნიერება და მოქალაქობრივი მწიგნობრობის განვითარება. აქ ერი, ძირიდან თავამდე, ასხმული არის გონებრივად. მთელი სხეულის ყველა ნაწილი თანაბრად ვითარდება და უახლოვდება მიზანს. მიზანი კი არის ძლიერებით და ზნეობრივადაც მეზობლებზე გავლენა იქონიოს. მიზნის მძლწევას გვიმტკიცებს ის, რომ ის პატარა ერები, რომლებიც იმ დროს საქართველოს ტახტს თავს აფარებდნენ, არა თუ მის წინააღმდეგ როდესმე გაუბრძოლიათ, არამედ იმ ხანის მათი ისტორია ასახელებს ყველაზე საუკეთესო დროთ თავისი ერის ცხოვრების და განვითარების მიხედვით (სომხეთის და ნაწილობრივ არაბთა).

განა შემთხვევით მოვლენად უნდა ჩაითვალოს საქართველოს ცხოვრებაში ის, რომ წელიწადში ერთხელ ბატონი და ყმა ერთ სუფრას ფსხდებიან და თანასწორად ნადიმობენ? კიდევ და მთავარი ის არის, რომ ბატონებს ჩვეულებათ ჰქონდათ აღებჯლი, რათა დვიძლი შვილი საკვებად მიეცათ თავისი მოყმის ოჯახში, რომლის ოჯახის დედა თავისი მკერდით ასაზრდოებდა ყმაწვილს, სანამ ის თვითონ შეიძლებდა თავისი ხელით საზრდოს მიღებას!

რასაკვირველია, ეს მოვლენა შემთხვევითი აზრის! ეს მხოლოდ ამტკიცებს ადამიანობის უმაღლეს შეგნებას იმ დროისათვის, სიხლით გაერთიანებას და ერთი მეორის დაფასებას, როგორც კაცი — ადამიანის..

ჩვენ გავგიგია სხვა ერთა ისტორიიდან, რომ ბატონი თავისი ძალის ლეკვებს აძლევდნენ თავისი ყმის ოჯახის დედის ძეძუთი საკვებად (რუსეთი!). აქ არავის დამცობების მიზანი არა გვაქვს მხოლოდ აღვნიშნავთ იმას, თუ რამდენად ქართველი ერი განვითარებული ყოფილა ადამიანური ზნეობით. ყველა ერს თავისი განვითარების თავისებური გზები ჰქონებია და დღესაც ასეა. და ამიტომ დავუბრუნდეთ ჩვენს სამშობლოს, საქართველოს.

ზემო აღნიშვნით, საქართველო სხვა თვითგანვითარებულ ერებზე დაბლა არ მდგარა, როგორც აღმოსავლეთის, ისე დასავლეთის მიმართ: არამედ ბევრთან სწორი ყოფილა და ბევრზე კი მაღლა მდგარა. და ის ერები და სახელმწიფოები, რომლებიც დღეს განაგებენ თითქმის მთელი კაცობრიობის ცხოვრებას, იმ დროს სრულიად უმნიშვნელო არსებას წარმოადგენდნენ, როცა საქართველოს სახე და სახელი სრულის ახატულობით იყო წამდგარი მაშინდელ ერთეულთა წინაშე.

მაგრამ, მაგარი ის არის. რომ ეს სრულებით საყოფი არ აღმოჩნდა, რომ მას შესძლებოდა მუდმივად შეენარჩუნებია თავისი დამოუკიდებელი არსებობა და მეობა. მას კარს მიადვა, სულ შორიდან, მისთვის უცნობი ჯურის, შეიძლება ითქვას, ხალხი, უფრო კი, ხალხთა გროვა, სახელმწიფოდ ჩამოუყალიბებელი, რომელსაც აღძროდა სურვილი, თავისი დიქტატორით, მთელი კაცობრიობის დაპყრობის და მისი მონად ქცევისა (მონღოლეთი — ჩინგის ხანი). და ეხეთქა საქართველოს ზღუდებებს, რომლისაგანაც მისი კედლები შეიძრნენ, მაგრამ მთლად არ დაინგრნენ, თუმცა დიდად დაზიანდნენ. შებოროდიკდა საქართველო, მაგრამ თავი შეიმარჯვა და სავსებით არ დაეცა. მტერი კი თავს ესხმის ყველა მხრიდან, რადგან საქართ-

ველოს ირგვლივ მეზობლები უკვე დამოჩილებული ჰყავდა, ის, საქართველო აღმოჩნდა მომწყვდეული ტალებების შუაში. როგორც განმარტოებული კუნძული: ვერ ვაუძლო მუდმივ ტალების ცემას, რითაც დასუსტდა და დაჰკარგა თავისი ფრთები. ეს არის მეთოთხმეტე საუკუნე, როცა საქართველოს გულს მხრებიდან ფრთები მოწყდებიან და ისინიც ატომებად განცალკევდებიან (მესხეთი — ქანეთი). ის, ხალხების გროვა, რომელმაც საქართველოს ასეთი დიდი ზიანი მიაყენა. თუმცა გაიფანტა და მხოლოდ ისტორიით აღინიშნება. მაგრამ საქართველოს დასუსტებულს, ეხლა აბლო მეზობლები არ აძლევენ საშუალებას მუდმივი თავდასხმებით, რომ კვლავ ფრთები არ მოიმარგოს და წინა ძლევამოსილება შეიძინოს; მისი მოჭრილი ფრთები მტრების საჯიჯვნად შეიქნენ. მათ ჯერ რჯული წაართვეს და შემდეგ დედაენის ამოგლეჯას შეუდგნენ. მაგრამ გული საქართველოსა ისეთი ძლიერი გამოდგა, რომ ახეხებდა ძარღვებით სისხლი მიწოდებია მათთვის და ნათესაობას არ აკაგვინებდა. ის, საქართველო ჩუმის ხერვლებით გადადიოდა მათში: ნათესაობა არ იკარგებოდა და მომავალს იმედიანად შეჰყურებდა. გული კი აჩქარებით ცდილობს ფრთები გაამთელოს და მიიკრას მხრებზე. ამ მიზნით მომხმარებს დაეძებს.

კაცობრიობის განათლებული ნაწილები კი თითქმის იმავე მდგომარეობაში არიან, როგორშიდაც საქართველო იმყოფება (საბერძნეთი და სხვა). და აი, ამ დროს ესმის ხმა ჩრდილოეთიდან, რომელიც გაიძახის: ქრისტე აღსდგა! სიმართლე აღსდგა! ძე ღვთისა. სიყვარულია! და საბელითა მისითა თვითონ აღსდგა მკედრეთით. ისიც ყოფილი მონა იმის, რომელმაც შეანგრია საქართველოს მდგომარეობა; მას თვითონ შეუთვისებია და შეუსისხლხორცებია იმავე თავისი ბატონების გაფანტული ნაწილები (თათარ — მონღოლეთი) და გაძლიერებულა.

ეაეც საქართველოსთვის უცხოა და უცნობია: ხასია-

თით, ზნეობით და მიმართულებით, მაგრამ „ქრისტე აღსდგა!“ მასთან აახლოებს და ფიქრობს მისი დახმარებით თავი გადაირჩინოს, გამომრთელდეს და ფეხზე დადგეს. საქართველოს გულის მმართველთ იმ დროს ერთსულოვნება აჰ ჰქონიათ ასეთ მიმართულებათზე; ამიტომ საესეზით კითხვის გადაქრა გრძელდება მეთვრამეტე საუკუნის ნახევრიდან იმავე საუკუნის მიწურულამდე. აქედან ჩანს, რომ საქართველოს მოამაგეთ დიდი ნდობა არ ჰქონიათ იმ ძალის მიმართ, რომლის დახმარებითაც უნდა გამრთელებულიყო საქართველო და წინააღრთულად, თავისუფლად ფეხზე დამდგარიყო და შეწყვეტილი წინმსვლელობა კვლავ განეგრძო. მაგრამ დაწყებული დასუსტება თან და თან ძლიერდება. გული საქართველოსა გრძნობს, რომ ნებისთ თუ უნებლიეთ, მეზობლების სათამაშოდ შეიქნება. და აი. ამ დროს სწორედ მისი მამამთავარი გადაქრით ამჯობინებს შეჩვეული ქირის დასალუბავად ახალს. შეუჩვეულს მიენდოს, რომ მათ შორის ქიშპობა შეიქნას და მითი შეიძლება სიმრთელე შეიძინოს! და საქართველო მიენდო, დიდი ერეკლეს მეთაურობით, იმ დროს ქრისტიანულ და დიდ რუსეთს!

რაც არასდროს მომხდარა კაცობრიობის ცხოვრებაში, ის განა შესაძლო იყო საქართველოსთვის მომხდარიყო? ესე იგი: რომ გარეშე შეიარაღებული ძალა შესულა მეორეს ოჯახში მის დასაკავად, გასალონიერებლად და იმავე ოჯახის მტრების წინააღმდეგ ებრძოლოს, თუ მას ოჯახზევე გაბატონება არ ჰქონდეს მიზნად? ასეთი რამ კაცობრიობის დაბადებას არ ახსოვს და არ მომხდარა. წინააღმდეგ, ყოველთვის: ვითომც მოყვრულად შესული სახელმწიფო მეორე სახელმწიფოში, თვითონ შეცდილა მასზე გაბატონებას და ასეც დაემართა საქართველოსაც.

უთუოდ ერეკლე მეფემ და მისმა შემწეებმა ყოველივე კარგად იცოდნენ იმ დროს, ვიდრე ჩვენ, მაგრამ არის ცხოვრებაში ისეთი განცდები, როცა კაცი თავს იტყუებს, თვალებს ხუჭავს და ისმენს მოწინააღმდეგის მტკნარ სი-

ცრუეს და დაპირებებს, თითქოს ჯერა მისი, რადგან სხვა გამოსავალი აღარ აქვს; ღრმა ორმოშია ჩავარდნილი.

და შეჰკრა ერეკლე მეფემ რუსეთთან შეთანხმების პირობები, რითაც რუსეთი საქართველოს წინაურ ცხოვრებაში არ ჩაერევა, არამედ ხელს შეუწყობს ძალით, რომ სხვა სახელმწიფოების წინაშე, რუსეთის საშუალებით, საქართველოაგან მტრის მიერ წანაგლეჯი ნაწილები შემოვიერთოს მტრის მიერ წანაგლეჯი ნაწილები. ამასთანავე საქართველო ვალდებულია, რომ სხვა სახელმწიფოების წინაშე, რუსეთის საშუალებით ჰქონდეს მოლაპარაკება და კავშირი.

სწორედ ეს უკანასკნელი მუხლი არის მთავარი და უმნიშვნელოვანესი! ამ მუხლის ძალით საქართველოს სახე და პიროვნება ამოშლილი არის კაცობრიობის წინაშე; მისი მეობა იკარგება! რა მეობა იკარგება, მაშინ მსაჯულსაც აღარა აქვს ნიადაგი იმსჯელოს, რადგან არ ატყუებულზე მსჯელობა შეუძლებელია. მსაჯული კი ორ მოდავეთა გაჩეხვით უნდა იყოს; თუ ერთი აკლია, საჩივარი უსაბუთოდ რჩება! უარჰყავ რა მეობა, მაშინ ნივთად ხარ ქცეული, როგორც განძეული, რომელიც პატრონის სრულ განკარგულებაში ვარდება: სურს — გაგყიდის; სურს — თავისთვის შეგინახავს; სურს — გადაგადნობს!

და სწორედ ასეც მოხდა იმ პიროვნების სიცოცხლეში დაც, რომლის, თითქმის, სრული მოსაზრებითა და შიხედულებით დაიდო ხელშეკრულება საქართველოსა და რუსეთს შორის. ეს იყო ერეკლე მეფე, რომელიც დღე დაღამ ფიქრობდა იმაზე, რომ სამხრეთი ნაწილი საქართველოსა, აკვანი მისი განვითარებისა და განათლებისა, მესხეთი, კვლავ შემოერთებია საქართველოზე. ამ მიზნით სამხედრო ძალები დააგროვა და მის „მეგობარს“ რუსეთს დახმარება მოსთხოვა. რუსეთმაც ჯარი გამოგზავნა საქართველოში, მაგრამ, ერეკლე მეფის დახმარების მაგიერ, ჯარი მცხეთაში დააბანაკა და ბრძოლას განზე გაუდგა. წინააღმდეგ დახმარებისა, თბილისში და სადაც მი-

წვდებოდნენ. ხმა გაავრცელეს, თითქოს საქართველოს საყვარელი მეფე ეწეკლე ომში დაიღუპაო!

მისახვედრია, თუ რა მიზანი აქვს „მეგობარს“! იგი ფიქრობს, რომ მის დაუხმარებლად ქართველი მეომრები დამარცხდებიან და თავისი ჯარით იგი დედაქალაქ თბილისში „წესრიგს“ დაამყარებს!

ამ შემთხვევაში შეცდა „მეგობარი“ რუსეთი. ქართულმა ჯარმა, მეფე ეწეკლეს მეთაურობით, ოსმალეთი დამარცხა, მაგრამ რადგან საკმაო ჯარის მარაგი არ დაურჩა, მტერს ვერ დაედევნა და თბილისში დაბრუნდა. თვალეზი დახუჭა, ვითომც ვერ მიხვდა „მეგობარი“ რუსეთის მთავრობის ყალთაბანდობას და მასვე მიმართა საჩივართ, რუსეთის ჯარების მეთაურზე, რომელიც მცხეთაში დაბრძანდა და უცდიდა თვით ერეკლეს დაღუპვას. ერეკლეს საჩივარზე პასუხი ვასცა „მსაჯულმა“ რუსეთის მთავრობამ იმით, რომ ის ჯარის უფროსი თითქოს დასაჯა და აღმატებით დაჯილდოებული. რუსეთის სხვა დაპყრობილ მხარეს გადაიყვანა (გენერალი ტოტლებენი). განა თავის თავს „მეგობარი“ რუსეთის მთავრობა დასჯიდა ღალატისათვის? მოღალატეს, დღემდის, თავისი თავი არ დაჯსჯია, რადგან ის ყოველ ზნეობრივ მხარეს და სინიღისს დაშორებულია; მისთვის სულ ერთია ყოველი საშუალება, თუ კი მიზანს მიაღწევს (გადმოცემით, გამონაკლისია იუდა!).

საქართველოს არც მეორე მეზობელმა მოუწონა რუსეთთან დაკავშირება. სპარსეთმა შერი იძია და აღმოსავლეთის ნაწილი სრულიად გაანადგურა ცეცხლითა და მახვილით. ორივე შემთხვევას ღიმილით შეჰყურებს „მეგობარი“ რუსეთი, თუმცა ერეკლე მეფეს სამკლოვიარო სიტყვებით უმასპინძლებდა.

ამ რიგად, საქართველოს მოამაგეთ ნათლად დარნახეს, თუ ვისთან დაიკავეს მეგობრობა, მაგრამ გვიან-ლა იყო საქმის შებრუნება! შუაგულ ტბაში აღმოჩნდა და მარდი

ცუ<sup>რ</sup>ვა უნდა მოემართა, რომ მთელი ერი სახსებით არ მომსპარყო.

რუსეთის სასიხარულო დროს არ დაუგვიანებია დიდი ხნით. ღრმად მოხუცებული მეფე ერეკლეც გარდაიცვალა, რომელშიდაც გამოიხატებოდა, ჯერ კიდევ, საქართველოს გვირგვინი, სიმბოლიურად მაინც, ხელწეკრულობის შემდეგ, სამი წლის შემდეგ მისი შვილიც, გიორგი მას გაჰყვა საიქიოს და ამის შემდეგ თვით რუსეთის მეფემ „იკადრა“ თავის თავზე დაედგა საქართველოს სამეფო გვირგვინი „სახელითა ღვთისათა... და საქა<sup>რ</sup>თველოს საბედნიეროდ“.

„გაბედნიერება“ მართლაც იქნებოდა, რომ ქართველი ერი „უღირსი“ არ ყოფილიყო, რუსული შეხედულებით: პირველი — წირვალოცვა რუსულად; მეორე — სწავლა-განათლება რუსულად! რაღა გინდა მეტი! გახდები დიდი ერის — სახელმწიფოს სწორუფლებიანი წევრი და მისი სახელით შეგიძლია იამაყო! ქართველობა რა საჭიროა! ამ სახელით ხომ სხვის წინაშე ვერ წარდგები?!

მაგრამ რუსეთმა თავისი „სიყვარული“ საქართველოს მიმართ მით გამოიჩინა, რომ მისი მიწა-წყალი ხალხით შეავსო; მერმე რომელი ხალხით?! იმ ხალხით, რომელმაც ქართველობა არ იცოდა: არც ენით და არც ხასიათ-ჩვეობით. სამაგიეროდ, თუ რომელიმე კუთხე საექვოდ მიაჩნდა, მაგ<sup>რ</sup>ამ ქართული იყო, „შუსუ<sup>რ</sup>მანებად“ გამოაცხადა და ქართულ ვულს საეციბით მოუსპო საშუალება მასთან კავშირი ჰქონებოდა (აქარა!).

აშკარაა. თუ რა მიზანი აქვს საქართველოს „მეკობარს“: ისე აჭრელებს საქართველოს მიწა-წყალს, რომ ერთი მეორეს ვერ ცნობდეს, ისეთ ნაირად დაასუსტოს, რომ თავისი მეობა დაავიწყოს და ფიქრი და აზროვნება წმინდა რუსული შეათვისებინოს.

აქაც მა<sup>რ</sup>ცხდება ის, როგორც ბოლოდ დავინახათ, რადგან მან, რუსეთმა არ იცოდა და არც ჰქონდა უნარი შეეცნო, თუ როგორ სკოლაში იყო გავლილი საქართვე-

ლოს დაბადება (ისტორია) მაგრამ ერთი კი მართლაც გაუმართლდათ საქართველოს მოამბავით: მოიმავრა რა ნი-  
ადაგი საქართველოზე. რუსეთი პირისპირ აღმოჩნდა მის,  
საქართველოს მტრების წინაშე. შეხვედრა არ იყო მოყვა-  
რული. რუსეთი უფრო ძლიერი აღმოჩნდა და მათაც კბი-  
ლები ჩაემტვრათ. მათგან მონანიების დროც დაგვიანე-  
ბული იყო; ისინიც თანდათან სუსტდებოდნენ; უმთავ-  
რესად საქართველოს დაუძინებელი მტერი, ოსმალეთი.  
ის სრულ დაღუპვამდე მივიდა. რომ მას არ გამოჩენოდა  
მოსარჩლე. რომლის სარგებლიანობა მოითხოვდა, რომ ოს-  
მალეთი მთლად არ წაქცეულიყო და მის მაგიერ. მის ალა-  
გას მძლავრი მოქიშპე არ მოსულიყო (ინგლისი — კონ-  
სტანტინოპოლი!) ამ რიგად, ასი წლის განმავლობაში,  
საქართველოზე მაგრად ფეხის დაგმით რუსეთი ცდილობს  
დასავლეთელებს გზები შეუკრას ბოსფორ - დარდანელის  
სრუტეებით და მით მას აღმოსავლეთისაკენ თავისუფალი  
ნავარდობის საშუალება მიეცეს. ამავე ხნის განმავლო-  
ბაში იმავე დასავლეთს თითქმის შუა გულში ექრება (პო-  
ლონეთი). აქ კი გაისკენა საერთაშორისო კვანძი. საერ-  
თაშორისო სარგებლიანობის მიზნით, არ გაიხსნა, არამედ  
ხმლით უნდა გადაჭრილიყო. და აი, აქ გამოჩნდნენ რუ-  
სეთზე უფრო ძლიერნი. მისი მეზობლები.

მეთვრამეტე საუკუნის დასათავს და მეცხრამეტე საუ-  
კუნის დასაწყისში. ნაპოლეონის ძლევამოსილებამ დი-  
დად შესძრა დასავლეთი და რუსეთის მდგომარეობაც შე-  
აჩყია. მაშინაც იმედი აღეძრათ ქართველ მოამბავით; მა-  
გრამ რადგან მაშინდელი ლაზღნგი ვერ ამართლებდა  
ეროვნულ მიდრეკილებას, არამედ საერთო წინმსვლე-  
ლობას, მით რუსეთი უფრო გამაგრდა, რადგან წინაური  
მისი ცხოვრებისათვის წინმსვლელობა დაიწყო (ბატონ  
ყმობის მოსპობა).

მეოცე საუკუნის დასაწყისში კიდევ შეირყა რუსეთის  
მდგომარეობა; მაგრამ მის მიერ დაპყრობილ ერებისათ-  
ვის არ გამოდგა სასარგებლო, რადგან აღმოსავლეთით



ძლიერი სახელმწიფოს გამოჩენა და რუსეთის იმპერიის ძლიერ დასუსტება არ იყო, სარგებლიანობის მიხედვით. მისაღები დასავლეთისათვის და ამერიკისათვისაც (რუსეთ-იაპონიის ომი — 1904 წ.). დიდი ხანი არ დასჭირდა მას შემდეგ იმას, რომ ყველა მომძლავრებულ სახელმწიფოებს, საერთაშორისოდ. გაბატონების სურვილი არ აღძროდა და ყველა თავისი სარგებლიანობის მიხედვით ზამავს, როგორც შინაურ ცხოვრებას. ისე თავის მიზანთან დაახლოებულ მეზობლებს.

და მოხდა შეჯახება ამ ძალების ურთიერთ შორის 1914 წელს. და მოწამე ვაჭთ ჩვენც იმისა, თუ რით დათავდა ეს სისხლის ღვრა; მეომარი სახელმწიფოები. რომლებიც არ იყვნენ მომზადებული ახალი ცხოვრების მოწყობისათვის და ძველი იმპერიალისტური მიზნებით ომს აწარმოებდნენ და საზღვრების გაუაზროებას ლამობდნენ, დამარცხდნენ.

აქ უნდა აღინიშნოს ის. რომ ამერიკა პირველად ჩაერია საერთაშორისო დასავლეთის და აღმოსავლეთის საქმეებში, თავისი სამხედრო ძალებით. მისმა თოთხმეტმუხლიანმა ლოზუნგმა სავსებით სხვა ხაზით წაიყვანა ომის მიმდინარეობა და ისინიც, ვისაც ესაჭიროებოდა ამერიკის დახმარება; ნებისით თუ უნებლიეთ ხელს უწერდნენ თოთხმეტ მუხლზე. მთავარი კი ამ მუხლთა შორის ის იყო, რომელიც აუწყებდა კაცობრიობას, რომ ერები თავისუფალი უნდა გამხდარიყვნენ: აზავინ არ უნდა იჩაგრებოდეს, რომ სისხლის ღვრას ადამიანთა შორის ნიადავი მოესპოსო. და...

დათავდა სისხლის ღვრა 1918 წელში. რუსეთი დამარცხებული აღმოჩნდა: მისი ძალები ისე დასუსტდნენ. რომ თავის შინაურ, წმინდა რუსულ საქმეების დაწყობას ვერახერხებს. სამოქალაქო, ძმათა სისხლის ღვრა გრძელდება. და აქ კი ის ეზები, რომლების სახე დიდი რუსეთის სახურავით იყო დაფარული და აზავის ახსოვდა, მაგრამ თავისი დაზადებით (ისტორია) და განვითარებით სხვებს

არ ჩამორჩებოდნენ, ზე წამოუდგნენ და კაცობრიობას თავისი საკუთარი სახით წარუდგნენ. ამათ შორის საქართველოსაც უკანასკნელი ადგილი არ უჭირავს. საერთაშორისო მდგომარეობამ მისცა მას, საქართველოს, საშუალება კვლავ გაღვიძებულიყო მასში ის უნარი, რომელიც ძირად გაედგა მისთვის სამი საუკუნის თვითგანვითარებას, ე. ი. მეთათე საუკუნის ნახევრიდან მეცამეტე საუკუნის ნახევრამდე.

ადვილი საქმე არ იყო თავისი სახის გამოჩენა საქართველოსათვის: განათლებული ნაწილი მისი, უმრავლეს შემთხვევაში, რუსულად აღზრდილი აღმოჩნდა და დიდად მეწყობდა მაგრამ ერის გული ისეთ მძლავრად ამოძრავდა. რომ ისინი ყველა დაიმორჩილა, ერთი წვეთი სისხლის დაუღვრელად და აი, მისი ნაყოფიც არის ეს ოცდაექვსი მაისიც!

ქართველმა ერმა გამოუცხადა მთელ კაცობრიობას, რომ: მე ვარ და კიდევაც ვიყავ! მინდა ვიყო მონაწილე ადამიანობის წინმსვლელობაში! აზავის დაბლად არ ვთვლი თავს და ძალაც მაქვს წინმსვლელობას დავეხმარო კაცობრიობის საბედნიეროდ.

იმ დროს, როცა კაცობრიობის ერთი მეექვსედი ნაწილი სისხლში ისვრებოდა სამოქალაქო ომით, რომლის ნაწილსაც საქართველო შეადგენდა ასჩვიდმეტი წლის განმავლობაში, ნუ თუ შეგვიძლია არ ვთქვათ, რომ ასეთი საქვეყნო განცხადება საქართველოს მხრივ „სასწაულია“ და ასედაც უნდა ჩაიწეროს მის დაბადებაში!

ღეაღ! ეს სასწაულია, რადგან მკვდრეთით აღსდგა საქართველო და ეს დღე დღეთსასწაულად დარჩება, სანამ თუ გინდ ერთა ქართველი დარჩება კაცობრიობაში.

ოცდაექვსი მაისი შეიღია შოთას საუკუნის და რა ძალას წეუძლია იგი მოსპოს?!

მხოლოდ ქართველის სრულიად მოსპობით შეიძლება მისი ამოშლა კაცობრიობის ცხოვრებიდან! და ამას გვი-

დასტურებს ერთი დიდი მოვლენა, რომელსაც ცოტა ქვე-  
მოდ დავინახავთ.

ოცდაშვიდი წლის დათავებული საერთაშორისო ომის  
ნაყოფად ის დიდი ამბავი დაერთო, რომელიც კაცობრი-  
ობისათვის დაუფიწყარია: თოთხმეტი მუხლის ლოზუნგე-  
ბის ცხოვრებაში განსახორციელებლად შესდგა საერთაშო-  
რისო ყრილობა ხალხების წარმომადგენლობისა: როგორც  
აღმოსავლეთის და დასავლეთის, ისე სამხრეთისა. გამო-  
ნაკლის შეადგენს მხოლოდ ჩრდილოეთი. და ამას მოუ-  
ლოდნელად ნუ ჩავთვლით.

თუმცა რუსეთმა სამოქალაქო ომი დაათავა და ახალი  
საკაცობრიო ლოზუნგი „სოციალიზმი“ გადაისროლა. მა-  
გრამ მის შინაარსში იკვირე წმინდა რუსული მიდრეკილე-  
ბა შეახვია და ადამიანურ ლოზუნგს ისეთი ჭუჭყი შე-  
აფრქვია, რომ კიდევ დიდი, დიდი დრო დაჰქირდება, რომ  
ამ ჭუჭყიდან განიბანოს და კაცობრიობა მას ნდობით მო-  
ეპყრას. ახალ ქურქში გახვეულმა რუსეთმაც განაცხადა  
ეროვნებათა დამოუკიდებლობა და თავისუფლება მხო-  
ლოდ იმ შემთხვევაში, თუ კი ისინი ბოლშევიკურ სოცი-  
ალიზმს მიიღებდნენ და იმავე რუსეთის მოკავშირე იქ-  
ნებოდნენ, მოსკოვის ხელმძღვანელობით.

ამასთანავე ერთა ლიგა ვერ გამოდგა თავისი დანიშნუ-  
ლების სიმალღეზე. იქაც ძველმა ავადმყოფობამ იჩინა  
თავი, რომელიც კაცობრიობას დაბადებიდან აწვალებს.  
აქაც ურთიერთის დამცილებამ და გაუმაძღრობამ იჩინა  
თავი მთელის ძლიერებით და ბორძიკი დაიწყო მთავარ  
საკაცობრიო საკითხების გადაწყვეტაში. აქედან მისი სი-  
სუსტით სარგებლობის სურვილი ერთეულებშიდაც გა-  
დავიდა და საკაცობრიო იდეალები თან და თან უკან  
რჩებოდა. ზოგმა მოინდომა ისეთი პოზიციების დაქერა,  
რომლის საშუალებით, მომავალში, ქონებრივად სხვებზე  
ძლიერი დარჩებოდა, ესე იგი, მეორდებოდა ომის წინა  
მიდრეკილება.

მაშ, ჯერჯერობით დაუმწიფებელი გამოდგა კაცობ-

რობა იმისათვის, რომ სინდისიერი დამოკიდებულება განმტკიცოს კაცთა შორის. რუსეთშიც ისარგებლა ამით და თავისუფლად დაიწყო ძველი გზით სიარული. ფიქრობს, ქვეყანა ჩალით დაბუჟულია და მის ყალბბანდურ „სოციალიზმს“ ვერ მიუხედედიან! თუ ვერ დავიმორჩილებ. გადაეწეაო! ჯერ-ჯერობით ახლო მოსაზღვრე ხალხები დაიპყრო „სოციალისტურად“ და ბოლოს, მისგან ცნობილი, რომლის წინაშეც ფიცი დასდო, რომ არასდროს საქართველოს დამოუკიდებლობის წინააღმდეგ არ ვიმოქმედებო (ლენინი), იმავე საქართველოს თავს დაესხა მზაკვრულ-ლაჩრულად და მისი სჯვერენობა მოსპო! ერთა ყრბლობა (ერთა ლიგა) უკმაყოფილებას გამოსთქვამს რუსეთის ასეთ მოქმედებაზე; მაგრამ რადგან თვით ყრბობა ზნეობრივად მალლა მდგარი ვერ აღმოჩნდა, რუსეთს საქმით ხელი ვერ შეუშალა: დარჩა საქართველო დაპყრობილი!

ათას ცბრასს ოცდა ოთხ წელს ერთხელ კიდევ ამხილა საქართველომ განათლებულ კაცობრიობას თავისი დიდი უკმაყოფილება და ვეებერთელა რუსეთს აღუდგა იარაღით ხელში და შესწირა თავისუფლებას ათი ათასამდე საუკეთესო შვილი. განათლებული კაცობრიობა თითქმის სინდისმა შეაწუხა. იმანაც „ნაციონალური ლიგაში“ წყრომა გამოუცხადა რუსეთს, მაგრამ ეს მხოლოდ სიტყვიერი სამდიმარი იყო. რადგან მას საქმიანობის უნარი უკვე დაკარგული ჰქონდა.

თერთმეტი წელია მას შემდეგ, რაც საქართველოს აღარ უხენიებენ სახელმწიფობი, როგორც სუვერენს და მისი სახელი საერთაშორისოდაც არ იხსენება. ე. ი. იმ დღიდან, როცა ნაციონალური ლიგა იმდენად დასუსტდა და დაეცა, რომ იძულებული გახდა რუსეთი თავის სრულ უფლებიან წვერად მიეღო 1934 წელს. მაგრამ, მაგარი ის არის, რომ მისი, საქართველოს დამპყრობი რუსეთი რაღაც მანქანებით იძულებულია ანგარიში გაუწიოს საქართველოს, დაპყრობილსაც. ეს ერი მისთვის მოუხელებელი შეიქმნა.

შინაურ ცხოვრებაში ქათინაჯრებს არ აკლებს, მაგრამ გარეთ მისი სახელის გაშლას ყოველი საშუალებით უხშობს; იცის რა, რომ ერი ერად მაშინ ითვლება, როცა მისი სახელი საერთაშორისოდ არის ნაცნობი და ამას იგი ებძვის გამზავებით.

მაგრამ ამ დროს საქართველოს მტერმა ფეხი წაიკრა და აქ კი დიდი-დიდი საქართველო ამოგორდა და გამოჩნდა: ჯერჯერობით გაეიხსენოთ ს. ს. რ.-ის საერთო მგოსანთა ყრილობა რუსეთის შუაგულში, მოსკოვში. 1937 წელს. იქ ველარ დაიშალა საქართველოს სულიერი და ზნეობრივი სიდიადის ძღვევამოსილება და როცა მეთორმეტე საუკუნის, მისი განვითარების გამომხატველი, საქართველოს ღვიძლი შვილის. შოთა რუსთაველის სურათი გაიშალა ყრილობის წინაშე, ერთობ ფეხზე დადგა და თაყვანი სცა მას. სხვა ჟერად ვერც მოიქცეოდა პატრიოსანი და მოაზროვნე ადამიანი! ან და კიდევ: უფრო ის არის, რომ მთელმა რუსეთმა თავის დღედ-სასწაულოდ მიიღო შვიდას ორმოც და ათი წლის თავი შოთა რუსთაველის გაჩენისა კაცობრიობაში, ე. ი. საქართველოს მაშინდელი შინაარსიანი ცხოვრება თავის თავად მიიღო, როცა თვით რუსეთი ამ საუკუნეებში მაშინდელ განათლებულ კაცობრიობაში არ იხსენიებოდა როგორც სახელმწიფო, ანდა, ფასნაკლებიანობას წარმოადგენდა. აქ არის ოცდა ექვსი მაისის სიდიდე, მისი წარმოშობაც და დღედ სასწაულობაც.

ოც და ოთხი წელია მას შემდეგ, რაც ჩვენ დედის მკერდს მოგლეჯილი და გადმოხვეწილები, ამ უკვდავ დღეს, ჩვენი სამშობლოს გარეთ, მწუხარე ღიმილით ვდღესასწაულობთ; გვინდა ვუთხრათ ერთი მეორეს პირახდილად თავისი წუხილიც და მხიარულებაც. გული და სული კი, იქ, საქართველოში არის! მაგრამ ნუ იტყვით თურმე იმას, რომ ჩვენი წუხილი იმავე დროს მთელი კაცობრიობის მწუხარება ყოფილა! და ამას ამტკიცებს დღევანდელი მდგომარეობა: კაცობრიობამ ვერ მოაგვარა ურ-

თიერთ შოპის კეთილი განწყობილება და კიდევ ეძგერა  
ხმლით ერთი-მეორეს. მეორდება ბაბილონის ამბავი! აქ,  
იგივე შთაქარი, ეროვნული კითხვა ისმება! კაცობრიობის  
დიდ უმრავლესობას კი, პატარა ერები შეადგენენ. ამ ორ-  
ონტრიალში კი უკიდურესი განცდა იმავე ჩვენს სამშობ-  
ლოს დამპყრობს, რუსეთს აწვება თავზე! და აუცილებ-  
ლადღაც გაიმარჯვებს საქართველოს თავისუფლება, რად  
გან მისი თავისუფლების პრინციპი დაკავშირებულია ყვე-  
ლა დანარჩენის თავისუფლებასთან.

თუ არ განთავისუფლდა ის, საქართველო, მაშინ ყველა  
მოკლებული დარჩება მისგან. თუ ამის წინააღმდეგ და-  
თავდა დღევანდელი შეჯახება, მაშინ კაცობრიობა ისევ  
იმ წვალებაში და წუხილში ჩარჩება, როგორადაც დღემ-  
დის არის. მაგრამ დაწმუნებული უნდა ვიყოთ, რომ  
დღევანდელი განვითარება კაცობრიობას აიძულებს ამ  
სენიდან განთავისუფლდეს! და

ჯაჭვი ტყვეობისა  
კვლავ დაღეწილ შეიქნება.  
ყ. ტყვევანა შვებით შეეცვლება  
1. მისგან ტანჯულ საქართველოს  
და ჩვენც, ლტოლვილთ, მის შვილებსაც  
მშობლის ნახვა გვეღირსება.

ლეონტი ულენტი

პრაღა. 26 მაისი.

1942 წელი.

(წაკითხულია ქართული საზოგადოების წინაშე).

**I. M. P. - 40, rue des Jeûneurs, Paris-2<sup>e</sup>**

---